

證治準繩

八十五



内閣文庫
番號 漢 12971
冊數 100 ( 85 )
函號 301 60

九  
肺臟部

肺 咳 嗽

喘 与脾風

悲 哭

軀 啼 夜 泣

脊 鼻

龜 胸

龜 背

脫 肛

疝 氣


腎 臟 部





治準繩集之

金壇王肯堂字泰甫



錢師主喘 實則悶亂喘促有飲水者有不飲水者

虛則哽氣長出氣 肺病悶亂哽氣長出氣氣短

喘急 肺熱手搖眉目鼻面甘桔湯主之 肺盛復

有風冷胃滿短氣氣急喘嗽上氣當先散肺後發散

風冷散肺瀉白散大青膏主之肺只傷寒則不胸滿

肺虛熱唇深紅色治之散肺虛熱少服瀉白散

市



肺臟怯唇白色當補肺阿膠散主之若悶亂氣逆喘  
促哽氣者難治肺虛損故也 脾肺病久則虛而唇  
白脾者肺之母也母子皆虛不能相營故名曰怯肺  
主唇白而澤者吉白如枯骨者死也此以唇診肺之法  
怯也阿膠散主之若手尋衣領及亂捻物者肝熱也  
宜瀉青丸手搦眉日鼻面者肺熱也宜甘桔湯之類  
是也肺病見春金旺肺勝肝也當瀉肺輕者肺病退  
重者目淡青必發驚更有赤者當搖海藏云為肝怯  
故目淡青也  
潔肺主燥自病則喘嗽燥則潤之 實則喘而氣  
盛瀉白散主之 虛則喘而少氣先益黃散後阿膠  
散主之 心乘肺賊邪熱而喘嗽先地黃丸中導赤

散後阿膠散主之 肝乘肺微邪惡風眩昏昏憤嗽  
羌活膏主之 腎乘肺實邪增寒嗽清利百部丸主  
之 脾乘肺虛邪體重吐痰泄瀉嗽人參白朮散主  
之 劉凡肺之得病必先觀心脾二臟之虛實若心  
火燥金即當先抑心氣後吃肺藥若心氣和即便看  
脾脈若脾氣虛冷即不能相生而肺家生氣不足則  
風邪易感故患肺寒者皆脾虛得之若脾氣盛實則  
亦痞隔中焦而大腸與肺表裏不能相通夫中焦熱  
隔則肺與大腸不通其熱毒之氣必上蒸於肺而生  
痰故患肺熱者多脾實得之心氣盛者瀉之脾氣虛

方斗九

二



者益之脾氣實者通之然後隨其肺之寒熱以治之  
故有抑心氣益脾氣通肺氣三藥若診其脉氣心脾  
兩臟俱和而肺自生疾則但察肺家虛實而治之  
薛肺經鬱熱用瀉白散肺氣自虛用四君子湯外邪  
所乘用參蘇飲心火炎燥用人參平肺散中焦實痞  
用大承氣湯脾不能生肺用異功散夫肺氣盛者肺  
中之邪氣盛也其脉右寸必浮而有力宜用瀉白散  
以瀉之若肺虛而有熱者執肺熱還傷肺之說而不  
用人參則誤矣仍參其證治之  
海肺苦氣上逆急食苦以瀉之訶子皮一作黃茶

肺欲收急食酸以收之白芍藥以酸補之五味子  
以辛瀉之桑白皮肺虛以五味子補之如無他  
證錢氏補肺阿膠散主之虛則補其母脾乃肺之母  
以甘草補脾

阿膠散錢氏又名補肺散

阿膠壹兩半 黍粘子炒香 甘草炙各貳錢半

馬兜鈴半兩 杏仁米箇去 糯米壹兩炒

右為末每服一二錢水一盞煎至六分食後溫服  
海杏仁本瀉肺非若人參天門冬麥門冬之補也  
當以意消息之薛前方乃通治肺金之劑經云



虛則補其母若前藥未應當用五味異功散以補

脾  
海肺實以桑白皮瀉之如無他證以瀉白散主之實則瀉其子腎乃肺之子以澤瀉瀉腎

瀉白散錢氏又名瀉肺散

桑白皮細判炒黃地骨皮洗去土焙各壹兩甘草炒半兩

右件為末每服一二錢水一中盞入粳米百粒同煎至六分食後溫服

海治肺熱骨蒸自汗宜用此直瀉之用山柰黃茶方能瀉肺但當以氣血分

甘桔湯 方見咽喉

大青膏

羌活膏 俱見整四瘡

百部丸 方見咳

人參白朮散 方見痘渴

四君子湯 方見雜病虛勞

參蘇飲 雜病發熱

人參平肺散 雜病咳嗽



參補劑

辨症發其

人參平氣

辨症發其

人參白朮

式良壹歲

四葉干

辨症發其

美舌膏

具良壹歲

百濟丸

式良壹歲

行計易

式良壹歲

大青膏

# 咳嗽

內經曰五臟六腑皆令人咳非獨肺也皮毛者肺之合也皮毛先受邪氣邪氣聽從其令也五臟之欬久乃移於六腑又病機式要云欬謂無痰而有聲肺氣傷而不清也嗽謂無聲而有痰脾濕動而為痰也欬嗽謂有聲有痰也因傷肺氣動於脾濕故咳而嗽也又生氣通天論云秋傷於濕冬必咳嗽大抵素秋之氣宜清而肅反動之則氣上衝而為咳嗽甚則動於脾濕而為痰也蓋風乘肺者日夜無度汗出頭痛痰

咳嗽

力斗九

五



涎不利熱乘肺者急喘而嗽面赤潮熱手足寒冷小兒多有之火乘肺者咳嗽上壅涕唾出血甚者七竅血溢燥乘肺者氣壅不利百節內痛頭面汗出寒熱往來皮膚乾燥細瘡燥痒大便秘澀涕唾稠粘寒來肺者或因形寒飲冷冬月坐卧濕地或受冷風春飲之氣或因外感夏是火氣炎上最重秋是濕熱傷肺冬是風寒外來也宜各隨其證而治之

錢氏法 夫嗽者肺感微寒八九月間肺氣大至病嗽者必實非久病也其證面赤痰盛身熱法當以葶藶丸下之若久者不可下也 十一月十二月嗽者

乃傷風嗽也風從背脊第三椎肺俞穴入也當以麻黃湯汗之有熱證面赤飲水涎熱咽喉不利者宜蒸甘桔湯治之若五七日間其證身熱痰盛唾粘者以福銀圓下之 有肺盛者欬而後喘而腫欲飲水有不飲水者其身即熱以瀉白散瀉之 若傷風咳嗽五七日無熱證而但嗽者亦葶藶丸下之後用下痰藥 有肺虛者欬而哽氣時時長出氣喉中有聲此久病也以阿膠散補之痰盛者先實脾後以福銀圓微下之涎退即補肺補肺如上法 有嗽而吐水或青綠水者以百祥圓下之 有嗽而吐痰涎乳食者



白餅子下之。有嗽而咯膿血者，乃肺熱食後服甘  
桔湯。久嗽者，肺上津液，阿膠散補之。欬而痰實  
不甚喘而面赤時，飲水者可編銀圓下之。治嗽大  
法盛，卽下之。久卽補之，更量虛實以意增損。杜氏  
子五歲，自十一月病嗽，至三月未止，始得嗽而吐痰，  
乃外風寒蓄入肺經，令肺病嗽而吐痰，風在肺中，故  
也。宜以麻黃散葦發散，後用涼藥壓之，卽愈。時醫與  
珠粉丸、半夏丸、編銀丸諸法下之，其肺卽虛而嗽甚。  
至春三月間尚未愈，召錢視之，其候面青而光，嗽而  
喘促，哽氣。又時時長出氣，錢曰：病因十已八九，然所

以面青而光者，肝氣旺也。春三月者，肝之位，肺衰之  
時也。嗽者，肺之病，肺自十一月至三月，肺卽虛痿，又  
曾下之，脾肺子母俱虛，復為肝所勝，此為逆也。故嗽  
而喘促，哽氣長出氣也。錢急與瀉青丸瀉之，後與阿  
膠散實肺。次日面青而不光，錢又用補肺而嗽如前。  
又與瀉肝，未已而又加肺虛，唇白如練，錢曰：此病必  
見不可治之。何者？肝太旺而肺虛絕，肺病不得時而  
旺，勝之今三瀉肝而肝病症不退，三補肺而肺病尤  
虛，此不久生，故言死也。此證病於秋者，十救三四，春  
夏者，十難救。一果大喘而死。京東轉運使李公有

吳本元作見



孫八歲病嗽而留滿短氣醫者言肺經有熱用竹葉湯牛黃膏各二服治之三日加喘錢氏曰此肺氣不足復有寒邪即使喘滿當補肺脾勿服涼藥李曰醫已用竹葉湯牛黃膏錢曰何治也醫曰退熱退涎錢曰何熱所作曰肺經熱而生嗽嗽久不除生涎錢曰本虛而風寒所作何熱也若作肺熱何不治其肺而反調心蓋竹葉湯牛黃膏治心藥也醫有慙色錢治愈東都張氏孫九歲病肺熱他醫以犀珠龍麝生牛黃治之一月不愈其證嗽喘悶亂飲水不止全不能食錢氏用史君子丸益黃散張曰本有熱何以又

行溫藥他醫用涼藥攻之一月尚無效錢曰涼藥久則寒不能食小兒虛不能食當補脾候飲食如故即瀉肺經病必愈矣服補脾藥二日其子欲飲食錢以瀉白散瀉肺遂愈十分張曰何以不虛錢曰先實其肝然後瀉肺故不虛也  
潔古法一肺之生病而成嗽大抵秋冬則實春夏則虛更詳五臟兼見之證以辨虛實若實則面赤飲水身熱痰涎盛涕唾稠粘咽乾不利喘嗽面腫吐食皆當先補脾益黃散後瀉肝瀉青丸若咯膿血是肺痿也用清肺散治之若虛則面白脫色氣少不語喉中

亥散

力斗七

八

三、七



有聲唾痰清利法當阿膠散補之若亡津液用白木  
散主之嗽而兩脇痛者屬肝經用小柴胡湯發熱  
咳而嘔苦水者屬膽經用黃芩半夏生薑湯咳而喉  
中如梗者屬心經用甘桔湯咳而失氣者屬小腸用  
芍藥甘草湯咳而右脇痛者屬脾經用升麻湯咳而  
嘔長蟲者屬胃經用烏梅丸咳而喘息吐血者屬肺  
經用麻黃湯咳而遺尿者屬大腸用赤石脂湯咳而  
腰背痛甚則咳涎者屬腎經用麻黃附子細辛湯咳  
而遺尿者屬膀胱用茯苓甘草湯咳而腹滿不欲食  
面腫氣逆者屬三焦用異功散吐

曾氏法 咳嗽者固有數類但分冷熱虛實隨證疏  
解初中時未有不因感冒而傷於肺內經曰肺之合  
入於咳何也岐伯曰皮毛者肺之合也皮毛先受邪氣  
邪氣得從其合故難經云形寒飲冷則傷肺使氣上  
而不下逆而不收衝壅咽膈淫淫如痒習習如梗是  
令嗽也乍暖脫着暴熱遇風邪氣侵於皮膚肺先受  
之而為咳嗽若初得時面赤唇紅氣壅發熱嗽來痰  
鳴此是傷風壅痰作嗽用清肺飲五拗湯及小柴胡  
湯羌活散傷寒皆可解表次青木香湯陰有小兒汗  
出未乾遠爾戲水亦致傷風咳嗽外證眼胞微浮額



汗痰鳴亦宜清肺飲瀉肺湯與之疎風化痰解利邪  
熱小柴胡湯亦可若嗽日久津液枯耗肺經虛矣  
肺為諸臟華蓋既開而坐合所以卧則氣促坐則稍  
寬乃因攻肺下痰之過名為虛嗽聲連不斷喉中痰  
鳴氣息欲絕嗽罷則吐白沫或乾嘔此肺虛而氣不  
順也面唇皆白而慘嗽過額上多汗哽氣長出乳食  
減少致脾虛而胃亦虛宜其有吐投茯苓厚朴湯吐  
及藿香飲不乳食次溫脾潤肺理中湯瀉吐加杏仁北五  
味子水煎服蓋此藥補脾而益肺藉土氣以生金則  
白愈矣或嗽而頰紅有紫黯色於理中湯內再加乾

薑為用亦良法也 有脾虛亦能作嗽當投補劑用

脾散慢驚茯苓厚朴湯吐令脾氣實然後開以清肺

飲煎服疎解肺經風寒及藿香飲助脾養胃亦救子

益母之法也 有一證咳嗽至極時頓嘔吐乳食與

痰俱出盡方少定此名風痰壅盛肝木尅脾土宜以

白附飲吐投之即效

薛氏法 若咳嗽流涕外邪傷肺也先用參蘇飲喘

嗽面赤心火刑肺也用人參平肺散及六味地黃丸

嗽而吐青綠水肝木乘脾也用異功散加柴胡桔

梗嗽而吐痰氣脾肺氣傷也用六君子加桔梗若嗽

咳  
方  
九



唾膿痰者熱蘊於肺而成肺癰也用桔梗湯見肺凡  
風邪外傷法當表散而實腠理其用下藥非邪傳於  
內及胃有實熱者不宜輕用面色白脉短濇者肺之  
本證也易治面色赤脉洪數者火刑金也難治  
**發表**麻黃湯 治太陽證頭疼發熱身痛惡風無汗  
喘滿脉浮緊八九日不解當發汗汗已煩悶瞑目  
者必衄衄乃解所以然者陽氣重故也

甘草 半兩  
杏仁 拾伍箇  
右母服三錢水煎

麻黃 去節壹兩  
桂枝 壹兩

三拗湯 治感冒風邪鼻塞聲重語音不出或傷風

頭疼目眩四肢拘攣咳嗽多痰胸滿氣短

麻黃 不去節 杏仁 皮尖去 甘草 生用

右各等分剉散每服三錢水一盞生薑二片煎至  
六分去滓溫服取汗為度一方加荆芥桔梗嗽甚  
加五味子細辛各減半又方麻黃去節杏仁去皮  
尖甘草炙名三和湯治喘嗽尤妙加減在乎活法  
有熱加前胡傷風加荆芥有痰加半夏

加減三拗湯

麻黃 去根節叁錢水

桂枝 貳錢



杏仁杀箇去皮尖炒

甘草炙壹錢

右為麤末入杏膏拌勻每服一錢水六分煎至四分去杏温服無時以汗出為度量大小加減若自汗者不宜服之

五拗湯 治感風濕及形寒飲冷痰嗽咳逆連聲不

麻黃不去根節杏仁不去皮尖荆芥不去梗

桔梗蜜水拌炒甘草貳錢半

右每服二錢水一盞煎七分無時温服

百部丸 治小兒肺寒壅嗽微喘有痰

百部炒麻黃去節各杏仁肆拾枚去皮尖微炒研入

右為末煮熟棗子丸如皂子大温水下二三丸無時日三四服此本方也仲景加松子仁五十箇蜜丸更加胡桃肉含化大妙一方加甘草二錢

九寶飲 治小兒嗽是肺臟感寒須表散却服嗽藥

麻黃去節薄荷 大腹皮

紫蘇各半陳皮 杏仁去皮尖

桑白皮炙肉桂 枳殼各貳錢半

甘草壹錢半

右剉散每服一錢生薑烏梅煎服冷證去薄荷熱



證去陳皮桂

華蓋散 治肺感寒邪咳嗽上氣胸膈煩悶項背拘急聲重鼻塞頭目昏眩痰氣不利

麻黃 去節

紫蘇子 隔紙炒

桑白皮 蜜炙

杏仁 去皮尖炒

赤茯苓 去皮

陳橘皮 去白各半兩

甘草 炙貳錢

右剉散每服二錢水半盞煎至三分去滓量大小加減食後溫服

金沸草散 治傷風化痰頭目昏痛頸項強急往來寒熱肢體煩疼胃膈滿痰涎不利咳嗽喘滿涕唾

稠粘及治時行寒疫壯熱惡風

荆芥 肆兩

前胡 去蘆

麻黃 去節

旋覆花 各壹兩

甘草 炙

半夏 湯洗七次薑汁浸

赤芍藥 各壹兩

右剉散每服二錢水一盞生薑三片棗一枚同煎六分去滓溫服不拘時有寒邪則汗出嗽甚加杏

仁五味子

麥煎散 治小兒夾驚傷寒吐逆壯熱表裏不解氣促喘急面赤自汗或狂語驚叫或不語無汗及癩疹遍身赤痒往來潮熱時行麻痘疹子餘毒未盡

咳散

力斗九

十三



渾身浮腫痰涎咳嗽或變急慢驚風手足搐搦眼目上視及傷風頭疼並治之

滑石

地骨皮

赤芍藥

石膏

白茯苓

杏仁

知母

甘草

葶藶子炒

人參各半兩

麻黃去節壹兩半

右為末每服一錢麥子煎湯調下如初生牙兒感冒風冷鼻塞身熱噴嚏多啼每一字用麥子煎湯調下一方去地骨皮滑石加羌活川芎薄荷煎湯調下

小青龍湯 治傷寒表不解惡寒體熱水停心下乾嘔發熱而嗽或渴或利小便不利或噎小腹滿喘

麻黃去節微和者去麻黃加羌花如彈子大炒今赤色若噎者去麻黃加附子半錢炮若

小便不利者加茯苓壹兩若喘者去麻黃加杏仁去皮尖

赤芍藥

半夏泡若渴者去半夏加括樓根

細辛

乾薑炮

肉桂去麋皮

甘草各半錢半

五味子半兩

右剉散每服三錢水一盞煎七分去滓加減服

清肺飲 治肺受風邪客熱嗽聲不斷氣促喘悶痰壅鼻塞流涕失音及解時行疹毒豆瘡涎多咳嗽



咽痛煩渴

柴胡淨洗

人參去蘆

杏仁湯泡去

桔梗剉炒

赤芍藥

荊芥

枳殼去穢麩炒微黃

桑白皮剉炒

北五味子

麻黃去節湯泡

半夏湯煮透濾仍剉

旋覆花伍錢

甘草壹兩半

右剉每服二錢水一盞薑二片葱一根煎七分無時溫服或入薄荷同煎

解表散主傷風感冷咳嗽痰喘嘔吐瀉利驚悸有熱證在表裏並宜可投

麻黃製法同上

杏仁湯泡去

赤芍藥各壹兩

川芎

防風去蘆

枳殼製法同上

甘草半生半炙

右剉每二錢水一盞薑二片葱白一莖煎七分溫服無時有熱入薄荷同煎

和解湯治小兒四時感冒寒邪壯熱煩躁鼻塞多涕驚悸自汗肢體疼痛及瘡疹已發未發皆可服

羌活

防風

人參

川芎各壹兩

乾葛

升麻

甘草

芍藥各半兩

咳

力

五



右劉散每服三錢薑棗煎服加荊芥無汗加麻黃咳嗽者加杏仁五味子桔梗

錢氏葶藶丸

治乳食衝脾傷風咳嗽面赤痰

盛身熱喘促

甜葶藶 去土隔

杏仁 去皮尖炒

黑牽牛 微炒

右為末研入杏膏拌勻蒸陳棗肉和再搗為劑丸

漢防已 各壹兩

如麻子大每服五九至七九淡生薑湯下乳食後

或臨夜服量兒大小加減

潔

人參荊芥散

治身熱痰嗽胸膈不利宜下痰去

熱

人參 半兩

荊芥穗 壹兩

大黃 貳錢

右為細末水煎調檳榔木香細末五分輕粉一字

乳後服如身熱潮熱宜服清涼飲子去大黃三服

之後一二日却入大黃服之令疎利則愈不可便

動臟腑

福銀丸

治風涎膈實上熱及乳食不消腹脹喘麓

巴豆 去油膜皮

水銀 伍錢

黑鉛 貳錢半同

麝香 伍分

好墨 火燒醋淬

右將巴豆末并墨再研勻和入砂子麝香陳米粥

亥散

切手心

十六



和九如菜豆入稔福一歲兒一九三三歲二三九  
五歲已上五六九煎薄荷湯放冷送下不得化破  
更量虛實加減並食後服後以虛人先以益黃散實脾  
肺

**瀉肺湯** 主傷風後五心煩熱咳嗽喘促唇紅  
頰赤發渴引飲

桑白皮 生炒 地骨皮 淨洗焙乾 甘草 炙

右咬咀每服二錢水一盞粳米百粒煎七分食後  
臨卧温服或不拘時

**聖惠天門冬散** 治小兒心胸煩悶體熱咳嗽

天門冬 去心 桑根白皮 生 赤茯苓

柴胡 去苗 百合 紫苑 洗去苗土

藍葉 甘州 炙微赤剉已

右件搗羅為散每服一錢以水一小盞入生薑少  
許煎至五分去滓量兒大小以意分減温服

**聖惠百部散** 治小兒欬嗽煩熱令乳母服

百部 貝母 煨微黃 紫苑 洗去苗土

葛根 剉各 石膏 剉兩

右件搗羅為散每服三錢以水一小盞入竹葉二  
七片煎至六分去滓每於食後服令兒飲乳甚佳

咳散 方



黃芩散 治小兒嗽

黃芩不剉多少用童子小便浸三日取出剉碎焙乾

右為細末每服一字或半錢白湯少許調下乳食後服

柴胡石膏湯 治時行瘟疫壯熱惡風頭疼體疼鼻

塞心胸煩滿寒熱往來咳嗽涕唾稠粘

桑白皮 黃芩各叁錢半 升麻貳錢

石膏 前胡 赤芍藥

乾葛 柴胡各伍錢 荆芥穗叁錢

右為末每服一二錢薑二片淡豉十粒水煎

**溫**張渙養肺湯 溫養脾胃

紫苑洗去土焙乾 半夏湯洗去過 款冬花

真阿膠炙各壹兩 人參去蘆 桂心各半兩

右件搗羅為細末每服壹錢水壹小盞入生薑貳

片糯米五粒煎至五分去滓放溫時時服

菖蒲煎 治肺中風邪喘鳴肩息

石菖蒲壹寸九 款冬花 紫苑去土洗焙乾

人參去蘆 桂心各壹兩

右件搗羅為細末陳蜜同石臼中搗一二百下和

如皂子大每服一粒煎糯米飲化下

咳

咳

咳



木香半夏丹 治胃寒咳嗽

木香

半夏湯洗七次焙乾

肉豆蔻各壹兩

藿香葉

丁香

白朮各半兩

右件搗羅為細末取生薑自然汁和如黍米大每服拾粒煎人參湯下量兒大小加減

順肺湯 治心肺不利咳嗽

紫蘇葉

半夏湯洗七遍焙各壹兩

五味子

款冬花

陳橘皮湯浸去白 桂心

木香各半兩

右件搗羅為細末每服一錢水八分入生薑人參

各少許煎肆分去滓溫服

平劑聖惠陳橘皮散 治小兒咳嗽胸中滿悶不欲

乳食

陳橘皮湯浸法焙 桔梗去蘆

鷄蘇

杏仁湯浸去皮尖 人參去蘆各壹分

貝母煨微黃

右件搗羅為散每服一錢以水一小盞入燈心

十莖煎至五分去滓溫服日三四服量兒大小以

意加減

麥門冬煎 治小兒咳嗽壯熱胸膈壅滯

麥門冬去心壹兩 生薑半兩取汁 酥

咳

功

十九



蜜各素

杏仁湯浸去皮尖

右件藥先以水一大盞煎麥門冬及杏仁至四分入砂盆內研絞取汁却入銀器中次內生薑汁以慢火熬成膏收於瓷器中每服以清粥飲調下半茶匙日三服夜一服量兒大小以意加減

茅先生妳豆膏

枯萋穰

蜜各半盞

人參

鈆白霜各半兩

陳槐花壹分

枯萋子百貳拾枚

右將枯萋穰及蜜鍊成膏入諸藥末同為膏每服一大黃豆大用杏仁煎湯調服

注唇膏 治小兒諸般咳嗽

鬱金參箇大者剉細用生薑汁浸一宿

白蠟直者茶條

鈆白霜半錢研

腦子壹字

右件為細末煉蜜為膏用菜豆大注孩兒唇上二三歲桐子大十歲已上皂子大薄荷生薑湯化下

蜜瓜膏 治小兒嗽

枯萋皮不剉多少用蜜塗慢火上炙焦赤色

右為末每服一錢蜜調成膏時時抹兒口內生犀散 治咳嗽解時氣痰逆喘滿心忪忡驚悸風

執二

咳

力

二



咳嗽

杏仁去皮尖

桔梗各貳錢

茯苓

甘草

人參

半夏各壹錢

五味子

前胡各壹錢

右劉散生薑薄荷煎服有熱加羌活或加麻黃細辛

保肺湯 治肺胃受風熱痰盛欬嗽喘吐不止及治久嗽不愈

山藥 白茯苓

紫蘇葉

黃芩 防風

杏仁去皮尖

五味子 桔梗

百部陸分

藿香 百合各伍分

白殭蠶貳錢去絲

右水煎食後服

天麻防風丸 治驚風咳嗽身體壯熱多睡驚悸手足抽掣精神昏憤痰涎不利及風邪溫熱

天麻 防風 人參

辰砂 雄黃 麝香

甘草各貳錢半 全蝎炒 殭蠶各半兩炒

牛黃 一方有牛膽南星無麝香

右為末煉蜜丸桐子大每服一二丸薄荷湯下

下氣紫蘇子散 治小兒咳逆上氣因乳哺無度內

咳散

幼科九

二十一



挾風冷傷於肺氣或水兒啼氣未定與乳飲之與氣相逆氣不得下

紫蘇子

訶子 去核

杏仁 去皮

蘿蔔子 炒

木香

人參 去蘆

青皮

甘草 炒各壹兩半

右為細末每服二錢水一盞生薑三片煎至五分

去滓不拘時服量兒加減

肘後療小兒咳嗽方

紫苑 陸分

貝母 貳分

款冬花 壹分

右擣為散每服如豆大着乳頭上令兒和乳噉之

日三四乳母忌食大鹹醋物聖惠用清粥飲調

字

張漢馬兜鈴丹

治小兒肺壅欬嗽大便不利

馬兜鈴

紫蘇子

人參 去蘆頭

款冬花

木香 各半兩並為細末

杏仁 半湯錢半湯浸去皮小大

另細研

右件同拌勻鍊蜜和如黍米大每服十粒煎生薑

湯下量兒大小加減

人參半夏丹

消痰飲止咳

人參 去蘆

半夏 湯洗焙乾

白朮

咳

幼科

三



川麴薑

天南星 微炮各壹兩

右件搗羅為細末取生薑汁打麴糊和如黍米夫每服十粒煎生薑湯下月內百晬嬰兒如鍼頭大沾在乳頭上令兒吮之

貝母湯 治肺中風咳嗽喘滿

貝母 炒黃色

半夏 白礬湯洗七遍焙乾各壹兩

乾薑

麻黃 去根節

款冬花

甘草 炙各半兩

右件搗羅為細末每服一錢水一小盞入生薑三片杏仁二粒去皮尖同煎至五分去滓溫服

潔古黃芪湯 治小兒咳嗽喘逆身熱鼻乾燥

者是熱入肺經為客熱呷呀有聲

黃芪 貳兩

人參 貳錢半

地骨皮 伍錢

桑白皮 叁錢

甘草 貳錢半

右咳嗽水煎放溫頻頻服之

海藏加味四君子湯 治涎嗽

人參

白朮

白茯苓

甘草

杏仁

桑白皮 各等分

半夏麴 減半

水煎服

又治咳嗽用四君子末煎紫蘇湯調下

咳

切斗九

二十三



張渙蟬殼湯 治肺氣不利病

蟬殼微炒 五味子湯洗 人參去蘆 各壹兩

陳橘皮湯浸去白焙乾 甘草炙 各半兩

右件搗羅為細末每服半錢煎生薑湯調下

白朮五味湯方治欬逆氣逆上喘

五味子 白朮 丁香

人參去蘆 款冬花各半 細辛去土 壹分

右件搗羅為細末每服一錢水八分入生薑二片

煎至四分去滓放溫令時時呷之

人參平肺散 治心火尅肺咳嗽喘嘔痰涎壅盛胸

膈痞滿

人參 橘紅 甘草炙 地骨皮各伍分

茯苓 知母炒 五味子炒 天門冬去心

青皮各肆分 桑白皮炒 壹錢

右每服一二錢水煎

**收澀** 細辛五味子湯 治肺經不足胃氣怯弱或冒

風邪或停寒有飲咳嗽倚息不得安卧胸滿短氣

乾嘔作熱嗽唾結痰或吐涎沫頭目昏眩身體疼

重語聲不出痛引胸脇不問新久並宜服之

細辛去苗土 半夏湯泡各壹兩 鴛鴦粟殼去蒂 壹兩

亥款

功斗九

二十四



五味子 各叁兩

烏梅 去核

甘草 炙各壹兩半

桑白皮 炒陸錢

右劉散每服二錢水一盞生薑五片煎至六分去滓溫服

**公經** 黃芩半夏生薑湯 治膽腑欬嘔苦水若膽汁

黃芩

生薑 各壹錢

甘草 炙

芍藥 各陸分

大棗 炙箇

半夏 壹錢伍分

右水煎服

甘桔湯 治心臟咳咳而喉中如梗甚則咽腫喉痺

粉草

苦梗 各壹錢

右水煎食後服

芍藥甘草湯 治小腸疝咳而失氣

芍藥

甘草 炙各壹錢

右水煎服

升麻湯 治脾臟咳而右脇下痛痛引肩背甚則

不可以動動則欬涎 方見傷寒

烏梅丸 治胃腑咳而嘔嘔甚則長蟲出

烏梅 叁拾箇

細辛

附子 製

桂枝

人參

黃檗 各陸錢

乾薑

黃連 各壹兩

當歸

蜀椒 各肆兩

右為末用酒浸烏梅一宿去核蒸之與米飯搗和



咳嗽

丸如桐子大每服十九白湯下

赤石脂禹餘糧湯 治大腸咳而遺屎

赤石脂 禹餘糧 各貳兩 並打碎

右每服二錢水煎

麻黃附子細辛湯 治腎臟咳則腰背相引而痛

甚則咳涎又治寒邪犯齒致腦齒痛宜急用之緩則不救

麻黃 細辛 各貳錢 附子 壹錢

右每服一錢水煎

茯苓甘草湯 治膀胱咳而遺溺

茯苓 貳錢 桂枝 半 貳錢 生薑 伍大 片

右每服二錢水煎

**百醉內嗽** 此名乳嗽實難調理亦惡證也當審虛實

而施治焉實者散之虛者補之其證氣麤痰盛口瘡

眼熱發散後可利之比金圓驚等藥主之散其實也

其證謳吐嗽後驚悸困倦自汗者當用補肺散益黃

散天麻散補其虛也大抵治驚嗽琥珀散主之天麻

圓乃要藥也也用天麻蟬退蠶人參川芎甘草礪砂

天竺黃膽製南星白附子坏雄黃金箔末之煉蜜圓

如雞頭大金箔為衣每服一圓薄荷湯化下治未滿

咳

方

二



百醉咳嗽不止遠勝諸藥。曾百日内嬰孩偶咳嗽  
痰壅睡中不寧亦因產後感風而得但不可過用發  
散之劑先以解表散一二服次投貝母湯及惺惺  
散治。薛若脾胃內熱者用抱龍丸。驚風邪外感者  
用惺惺散。痰熱既去而氣粗痰盛或流涎者脾  
肺氣虛也用異功散。瀉加桔梗口瘡眼熱大便堅實  
者用三黃丸。熱大便秘實者用白朮散。渴若嘔吐不  
乳困倦自汗或自利腹脹者脾胃氣虛也用六君子  
瀉加柴胡若驚悸困倦痰盛不乳者心脾血虛也四  
君瀉加芩歸酸棗仁或因乳母食五辛厚味致兒為

患者仍參喘嗽諸證

補肺散又名阿膠散治小兒久患咳嗽氣急有痰惡心喘

虛見前

天麻散 治嬰兒咳嗽有痰氣壅面紅

南星 水浸春秋五日冬七日夏三日半兩

天麻 叁錢

辰砂 壹錢 麝香 壹字

右為末每服一字用杏仁湯調下人參湯亦可

天麻圓 治小兒未滿百醉咳嗽不止名曰乳嗽

天麻 蟬蛻 僵蠶

人參 各壹錢 川芎 壹錢半 甘草 貳錢

咳散 切科丸 二七



鵬砂 半錢

辰砂

天竺黃

牛膽南星 各貳錢

白附子

坯

雄黃 各壹錢

金箔 伍片

右為末煉蜜圓如芡實大金箔為衣每服一圓薄荷湯化下

琥珀散 治急慢驚風涎潮昏冒目瞪驚搐內釣腹痛或驚癇時發

辰砂 壹錢半

琥珀

牛黃

僵蠶 炒去絲去

牛膽南星

全蝎

白附子

代赭石

天麻

乳香

蟬殼 各壹錢

右為末每服一二分白湯調下

貝母湯

主白日内嬰孩咳嗽有痰

貝母 壹兩

甘草 半炙半生 貳錢

右件剉焙為末每服一字或半錢用陳米煎湯空心調服痰盛淡薑湯調下

惺惺散

主傷風傷寒痰嗽咳逆理虛和氣寧心清

肌止啼去煩利咽解失音

人參 去蘆半兩

桔梗 剉炒

白茯苓 去皮

白朮

天花粉 肆味各壹兩

細辛 去葉 貳錢

咳散

幼斗丸

二十八



防風

去蘆

川芎

南星

生用參味  
各貳錢半

甘草

半生半炙  
柒錢

右件咳嗽每服二錢木一蓋薑二片薄荷二葉慢

火煎七分無時溫服

外臺小品療少小十以上至五十日卒得暴欬吐

乳嘔逆晝夜不得息四物湯

桔梗

紫苑 各參分

甘草 各壹分

麥門冬

去心  
柒分

右藥切以水一升煮取六合去滓分五服以差為

度千金有桂心無桔梗以水二升煮取一升以細

着湯中捉綿滴兒口中晝夜四五過節哺乳

張渙雄黃膏 治月裏兒欬嗽并三歲已下皆可服

雄黃

壹錢  
細研

杏仁

柒粒去  
皮尖

半夏

柒箇童子  
小便浸一

宿切作片子  
焙乾為末

右一處研勻用生薑自然汁半兩蜜半兩一處入

藥末於罐子內重湯中熬用柳枝子攪成膏每服

一皂子大塗妳頭與兒吮或糯米飲調下

趙氏治小兒未晬欬嗽方

白僵蠶

直者

右為細末塗少許妳頭上令兒吮立效

亥散

功科九

二七



**嗽膿血** 錢氏曰有喘而咯膿血者乃肺熱食後服甘

桔湯久嗽者肺亡津液阿膠散主之即補肺散見前咳

而痰實不甚喘而面赤飲水者福銀丸下之方見前

段齋郎子四歲病嗽身熱吐痰數日而咯血前醫以

桔梗湯及防已丸治之不愈涎上攻吐喘不止請錢

氏下福銀丸一大服復以補肺湯補肺散治之或問

段氏子咯血肺虛何以下之錢曰肺雖咯血有熱故

也父則虛痿今涎上潮而吐當下其涎若不吐涎則

不甚便蓋吐涎能虛又生驚也痰實上攻亦能發搐

故依法只宜先下痰而後補脾肺必涎止而吐愈為

順治也若先補其肺為逆耳此所謂識病之輕重先

後為治也

甘桔散  
桔梗米泔浸宿焙乾 甘草炒冬貳兩

右為細末每服一大錢水一大盞入阿膠半兩炮

煎至五分食後溫服 海甘桔湯仲景少陰咽痛

藥也孫真人治肺癰吐膿血用生甘草加減二十

餘條

王氏手集解肌丸 治外搏風邪內挾痰飲寒熱往

來煩渴頰赤心忪減食熱在上焦咳嗽有血方

咳散

功科九

三十



防風

地骨皮

各壹分

右件燒沙糖為圓每服一九食後煎紫蘇湯下  
團參丸 治嗽血

阿膠

皂子黃

人參

各半兩

右除膠為細末湯少許洋膠和鷄頭大白湯化下  
雞清散朱氏 治欬嗽出血下涎

鬱金

半兩用皂莢漿水壹盞或滑石半兩  
酸棗汁亦得煮乾為度

雄黃

半兩醋煮半乾用

右為細末每服一字常服薄荷湯調下止嗽螺粉  
水下嗽血鷄子清調下

嗽作咳 聖惠夫小兒嗽而呀呷作聲者由胸膈

痰多嗽動於痰上搏於咽喉之間痰與氣相擊隨嗽  
動息呀呷有聲其咳嗽本體雖同至於治療則加消  
痰破飲之藥以此為異爾

聖惠射干散 治小兒咳嗽心胸痰壅攻咽喉作呀

呷聲

射干

麻黃

去根節

紫苑

洗去苗土

桂心

已上各半兩

半夏

半分湯洗七遍去滑

甘草

炙微赤壹分

右件藥搗麤羅為散每服一錢以水一小盞入生  
薑少許煎至五分去滓入蜜半茶匙攪令勻不計

咳

幼科九

三十一



時候量兒大小分減溫服

陳橘皮散 治小兒咳嗽咽中作呀呷聲

陳橘皮 湯浸去白 桑根白皮 剉 杏仁 湯浸去皮尖

甘草 炙 甜葶藶 陽紙炒令紫色

右件藥搗麤羅為散每服一錢以水一小盞煎至

五分去滓放溫量兒大小加減服

蘿蔔子散 治小兒咳嗽喘急作呀呷聲

蘿蔔子 微炒 麻黃 去根節 燈心 壹大束

阜茨子 拾枚煨 甘草 炙微赤

右件藥搗麤羅為散每服一錢以水一小盞煎至

五分去滓不計時候量兒大小以意分減溫服

蟬殼散 治小兒心胸痰壅咳嗽咽候不利常作

聲

蟬殼 微炒 半夏 湯洗 甘草 炙

漢防己 各壹分 桔梗 去蘆 陳橘皮 湯浸去白

右件藥搗細羅為散每服以生薑粥飲調下一字

三歲已上加之半錢

聖惠又方 大醫局方以此治痰

半夏 湯洗 甜葶藶 陽紙炒 杏仁 湯浸去皮

朱砂 細研飛 五靈脂 各半分

咳散

幼斗九

三十二



右件藥搗羅為末用生薑自然汁煮糊和丸如棗  
豆大每服煎麻黃湯下三丸日三服量兒大小以  
意加減

張渙桔梗湯 治小兒咳嗽呀呷咽膈不利

桔梗

半夏 炮棗次

紫蘇葉 炒

石膏

甘草

炙各半兩

皁莢

燒灰存性壹分

右件搗羅為細末每服一錢水一盞入生薑二片  
煎五分发溫時時與兒服

曾郭氏曰小兒此疾本因暑濕所侵未經發散  
邪傳心肺變而為熱有熱生風有風生痰痰實不化

因循日久結為頑塊圓如豆粒遂成痰塊推本其原  
或啼哭未休遽與乳食或飼以酸鹹氣鬱不利致令  
生痰或節令變遷風寒暑濕侵襲或墮水中水入口  
鼻傳之於肺故痰母發動而風隨之風痰潮緊氣促  
而喘乃成痼疾急宜去風化痰先以五苓散同寬氣  
飲俱寬熱飲裏用少薑汁和勻沸湯調服次進知母  
湯雄黃散如意膏半夏丸痰涎

知母湯 治齶胎氣喘痰鳴發熱咳嗽惡風

知母

甘草 各半兩

貝母

羌活

滑石 別研

大黃

小麥 各叁錢

麻黃

去根節湯泡去沫焙

咳

幼

三



咳喘

苦苧麩

訶子肉

各壹錢半

薄荷

去梗 貳錢

右件咳喘每服二錢水一盞薑一片煎七分無時  
溫服

雄黃散

主暴中急慢驚風齁齕痰涎滿口及用侵  
閉汗不通或涼或熱坐卧生煩

雄黃

紅亮者 貳錢半

白藥

去黑皮

川烏

炮裂去皮臍

草烏

炮裂去皮

天麻

明亮者

川芎

五味各半兩

右除雄黃外餘五味剉焙同雄黃為末驚風痰壅  
每服半錢或一錢用薑汁茶清調下發汗水薑葱  
薄荷同煎併投三服取効

如意膏

治痰喘氣促咳嗽連聲不絕冷熱二證皆  
可投

半夏

炮裂

南星

炮裂貳味 各壹兩半

右二味為末以生薑汁和勻捻作小餅如錢樣用  
慢火炙乾再為末復取薑汁如前經兩次炙乾仍  
焙為末煉蜜丸芡實大每服一九至二九仍用薑  
蜜湯無時化服有熱以薄荷湯下

雄黃丹

治小兒齁齕喘滿咳嗽心胸煩悶傷熱蠲  
毒

雄黃

朱砂

各壹錢 另研

杏仁

拾肆粒 炒

咳喘

幼科丸

三十四



咳嗽

巴豆 朱粒

豆豉 淡者，或拾壹粒

右杏巴豉三味用米醋半盞乾薑一片指大廿六令乾研成膏皂角一寸蜜炙焦先去子與皮法製牛膽一分同雄朱與杏膏研細和勻麵糊為丸如麻子大每一歲兒五丸壯者七丸二歲十丸淡生薑湯下

玉訣貝母丸 治小兒齁齕

貝母

天南星 薑汁製

人參

茯苓

甘草 炙

白附子 各等分

皂角子 朱粒

末之鍊蜜丸小豆大每服五七丸薄荷湯吞下

油衮丸 治小兒齁齕及虫積

雷丸

五靈脂 各壹分

巴豆 拾伍粒取霜

右末之滴水丸每三五丸麻油滾過井水吞下

惠眼內金丸 治小兒齁齕咳嗽

雞內金

雌黃 細研水飛過去

半夏 生

延胡索 各等分

右為末棗肉為丸如小豆大周歲三丸至四丸燈心湯下

吉氏家傳治齁齕方

咳嗽

幼科丸

三十五



天竺黃

蚌粉炒

右件等分研勻蜜調塗於頭上與喫

腦子散 治小兒傷風欬嗽不往兼治瘕疝

大黃 壹分

鬱金 貳錢

右件二味先以豬牙皂角煮一復時取切片子焙

乾為末次入粉霜腦子各少許再同研令勻每服

一字沙糖水調下量兒肥瘦加減用之

嗽聲不出 聖惠杏仁煎 治小兒咳嗽聲不出

杏仁 湯浸去皮尖人水大盞研取汁貳兩

酥

蜜各壹

右件藥先以杏仁汁於鍋中以重湯煮減去半入

酥蜜又湯煮二十沸却入貝母紫苑末各一分甘

草末半分更煎攪如餳收瓷器中每服以清粥飲

下半錢日三服夜一服嗽止為度量兒大小加減

又方

貝母 半兩煨

牛黃 細研壹錢 甘草 炙壹分

右件藥搗細羅為散每服以溫水調下半錢日三

四服量兒大小加減

又方

麥門冬 去心焙 杏仁 去皮尖炒 甘草 炙

貝母 煨

款冬花 各壹分

紫苑 去土半兩

咳

幼科九

三十六



右件藥搗細羅為散每服以乳汁調下半錢日三四服量兒大小加減以意

又方

杏仁壹兩去皮尖雙仁以水一中盞研絞取汁 紫苑半兩未

右以杏仁汁并紫苑末入蜜一合同煎如膏每服以清粥飲調下半茶匙量兒大小加減

**驚風散** 小兒患驚風驚止而嗽作謂之驚隔嗽茅先生下金杏丸夾勻氣散與服

金杏丸

杏仁去皮尖 甜亭麓 漢防己 馬兜苓去皮

右等分為末用蜜為丸小豆大每服十九丸用麥門冬熟水吞下茅先生亦於前喉喉門中已有此方為各有牽引不可除故兼存之

勻氣散

桔梗去蘆頭淨洗乾 甘草貳兩 縮砂仁

懷香洗 陳橘皮各壹兩 白薑壹分

右為末每服半錢一錢用霜木瓜煎湯調下如無即用紫蘇鹽煎湯下

**聖惠** 菰蘆煎 治小兒久嗽不止心神煩

菰蘆壹顆熟者去仁以童子小酥壹兩 甘草生壹分 蜜貳兩

咳散

幼科九

三七



右件藥以銀鍋子中慢火煎如稀餲每服以清粥飲調下半錢日四五服量兒大小加減不灰木散治小兒嗽久不止

不灰木牛糞火燒通赤貝母煨令黃甘草炙微赤入

右件藥搗麤羅為散每服一錢以新汲水一小盞

點生油一二滴打令散煎至五分去滓分溫二服

日四服量兒大小加減

桑白皮煎治小兒經時不差及傷肺見血

桑根白皮東引者切伍合白狗肺壹具切

甘草 茯苓 升麻 貝母各拾貳分

芍藥 杏仁炒各拾分李根白皮切肆分

欵冬花 麥門冬去心各陸分黃芩拾壹分

淡竹青皮捌分蜜 地黄汁各壹升

右以水一斗煮及三升去滓下杏膏地黄汁蜜微

火上煎不住攪至二升三合綿漚絞汁二三歲兒

一合溫服之日進三服夜三合

知母散 治大人小兒久嗽不止痰吐喘悶氣噎

知母 貝母 柴胡 黃芪炙

紫苑洗 馬兜鈴 杏仁研去皮尖半夏白礬水煮乾為度

桑白皮炙 白礬研 欵冬花各等分

亥款 幼斗九 三十八



右為細末每服一錢水七分盞同煎三分去滓時  
時服或生薑自然汁煮糊為丸每服五七丸生薑  
湯下

貝母散 治小兒久咳嗽氣急

貝母煨

杏仁去皮炒

麥門冬去心

款冬花

各壹分

紫苑半兩

右為末用乳汁調下半錢

# 喘

脈素問通評虛實論帝曰乳子中風執喘鳴肩息者脈

何如岐伯曰喘鳴肩息者脈實大也緩則生急則死

曾小兒喘疾重於咳嗽然有虛實冷熱之分不可

槩舉實熱者投清肺飲嗽加五和湯裏熱水薑蔥煎

及瀉肺湯嗽碧玉丸為治經云喘急多因氣有餘蓋

肺主氣故也虛冷者投積實湯水薑煎并如意膏補

肺散坎離湯自効此肺虛感風氣不升降致有是證

及用定喘飲常驗不拘冷熱皆可服涎壅失音不聖

喘

力詳也

三



散主之。薛喘急之證有因暴驚觸心者有因寒邪  
壅盛者有因風邪外客者有因食鹹酸痰滯者有因  
膏梁積熱薰。清道者然喘與氣急有輕重之別喘  
則欲言不能隘於胸臆氣急但息短心神迷悶耳治  
法因驚者用雄朱化痰定喘丸佐以天麻定喘飲寒  
傷肺氣者用小青龍湯風邪傷肺者用三拗湯加減  
之食鹹酸傷肺者啗以生豆腐熟傷肺氣者當涼肺  
定喘哮喘喉聲如鋸者梅花飲兼用半夏丸前證多  
因脾肺氣虛腠理不密外邪所乘真氣虛而邪氣實  
者為多若已發則散邪為主未發則補脾為主設槩

攻其邪則損真氣逕補其肺則益其邪凡喘嗽之證  
若小便不利則必生脹脹則必生喘要分標本先後  
先喘而後脹者主於肺先脹而後喘者主於脾蓋肺  
金司降外主皮毛肺朝百脉通調水道下輸膀胱肺  
既受邪則失降下之令故小便漸短致水溢皮膚而  
生脹滿此則喘為本而脹為標也治當清金降火為  
主而行水次之脾土惡濕而主肌肉土能尅水若脾  
土受傷不能制水則水濕妄行浸漬肌肉水既上溢  
則邪反侵肺氣不能降而生喘矣此則脹為本而喘  
為標也治當實脾行水為主而清金次之苟肺證而



用燥脾之藥則金燥而喘愈甚脾病而用清金之藥則脾寒而脹益增觀其證若中氣虛弱者用六君子湯中氣虛寒者前方加炮薑鬱結氣滯者用歸脾湯加柴胡山梔肝木剋脾土者用六君柴胡山梔肺氣壅滯者用紫蘇飲加白朮食鬱壅滯者用養胃湯加木香肺中伏熱水不能生而喘者用黃芩清肺飲及五淋散脾肺虛弱不能通調水道者用補中益氣湯及六味丸膏梁厚味脾肺積熱而喘者用清胃散及滋腎丸心火刑金不能生水者用人參平肺散亦用滋腎丸腎水虧虛火燥金小便不利者用六味丸及

補中益氣湯肝木乘脾不能相制而喘者用六君柴胡升麻脾胃虛寒臍凸腹脹者用八味地黃丸脾腎虛寒不能攝水如蠱脹者用加減腎氣丸凡虧損足三陰而致喘脹或二便不調及牽引作痛者俱用六味八味加減腎氣等丸治之仍察傷風咳嗽證錢氏論肺盛復有風冷云曾滿短氣氣急喘嗽上氣當先散肺後發散風冷散肺瀉白散肺發散風冷大青膏主之吐瀉肺只傷寒則不胸滿瀉潔古云肺實則喘而氣盛瀉白散

清肺飲 散



五和湯

裏熱

碧玉丸

治痰嗽氣喘胸滿飲食減少睡不得寧煩

躁有熱

青黛

明白礬 生用

天南星 生用

滑石

四味各貳錢半

輕粉 伍拾貼

全蝎 拾伍尾去尖毒

巴豆

肆拾玖粒去殼膜心存油碎切入乳鉢極細杵

右除輕粉巴豆外餘五味或晒或焙為末仍入前

二味同在乳鉢杵勻薑汁煮糯米粉為糊丸粟殼

大每服七丸至九丸或十一丸用淡薑湯空心投

熱甚者薄荷湯下或不拘時

錢氏論肺臟怯云唇白色當補肺阿膠散主之 方見本門

若悶亂氣羸喘促哽氣者難治肺虛損故也脾肺病

久則虛而唇白脾者肺之母也母子皆虛不能相營

故名曰怯肺主唇唇白而澤者吉白如枯骨者死

補肺散 治久患咳嗽肺虛氣促有痰惡心

阿膠 壹兩半剉炒

白茯苓

馬兜鈴 去老梗

糯米 參味各半兩

杏仁 貳拾壹粒湯泡去皮尖 甘草 肆錢炙

右剉每服二錢水一盞煎七分無時溫服

坎離湯 治虛喘晝輕夜重食減神昏

鼻澄茄

石菖蒲 各壹錢

白朮



白茯苓 去夏 南木香 已上各 甘草 炙

半夏 湯煮透濾仍剉焙乾 紫蘇子 略炒杵碎已上

右剉每二錢水一盞煎七分溫服無時

聖惠杏仁煎 治小兒欬嗽心煩喘麤

杏仁 湯浸去皮尖雙仁麩炒微黃 天門冬 去心

寒食麩 各壹兩 蜜 酥 各壹合

生地黄汁 壹大盞 貝母 半兩微炒

右件煎貝母及天門冬至五分便研絞取汁入杏

仁膏等同熬如稀餈每服用溫水調下半錢已來

量兒大小以意加減

八味理中丸 治小兒心肺不和息數脈急上下不

升降中膈痞滿鬱隘胸臆坐卧煩悶神情不樂飲

食不下

人參 甘草 炙 白朮

乾薑 枳實 製炒 白茯苓

五味子 去梗 桑白皮 去赤皮

右件等分爲細末煉蜜爲丸小指頭大每服一丸

淡豆豉伍粒水一小盞煎至半去豉通口服不拘

時候

張渙蟬殼湯 治小兒疳氣不利病

瑞

何年九

三



白朮五味湯 治小兒咳嗽氣逆上喘方並見  
聚寶方平氣散 治小兒氣不和定喘和氣補虛思  
食

人參

白茯苓

百合

甘草

白朮

桔梗各等分

右六味為末每服一錢水八分生薑少許同煎至五分溫服

**熱實**雲岐云小兒結熱上氣喘者四順清涼飲下

**寒實**

此下四行明本減

**痰實**丹溪云痰嗽痰喘並用涌法吐之重劑瓜蒂散

輕劑苦參赤小豆末須散薑汁調服

生白丸 治小兒痰涎不利上喘欬嗽

白附子新羅者

天南星

半夏各半 壹兩

右為末用生薑汁打麵糊為丸如菉豆大每服二十丸至三十丸生薑湯下量大小加減

枳實湯主傷風傷寒胸滿氣促咳嗽不活食多夾

痰吐出



枳實去瓢對半片 赤茯苓去皮 甘草陸錢

半夏茶錢湯煮火透 桔梗茶錢半

右件咳嗽每服二錢水一盞薑三片煎七分無時

如意膏觀前

半夏九 治肺氣不調咳嗽喘滿痰涎壅塞心下堅

滿及風痰嘔吐惡心涕唾稠粘

白礬壹兩 半夏冬兩湯泡

右為末生薑自然汁九赤豆大每服十九薑湯下

經驗後方 大人小兒定喘化痰

右用豬蹄四十九箇淨洗控乾每箇指甲內半夏

白礬各一字入罐子內封閉勿令煙出火暇通赤

去火細研入麝香一錢人有上喘咳嗽用糯米飲

下小兒半錢至妙

大効雄硃化痰定喘丸 治小兒因驚發喘逆觸

心肺暴急張口虛煩神困

雄黃 硃砂各壹錢研 蟬蛻

全蝎炒 地龍 白僵蠶

天南星 白附子炮各貳錢半 輕粉半錢

右為末麵糊團如麻子大每服三十九薄荷茶清

送下食後服



天麻定喘飲 治小兒喘嗽驚風

天麻 防風 羌活

甘草 人參 桔梗

白朮 川芎 半夏麩各等分

右判散每服二錢水一盞麥門冬十四粒煎至七分食後服有熱去白朮加芍藥枳殼

風寒傷肺 三拗湯嗽

紫蘇飲子 治肺受風寒喘熱痰嗽

紫蘇葉 桑白皮 青皮

五味子 杏仁 麻黃

甘草炙 陳皮各貳分 人參

半夏各叁分

右薑三片水煎溫服

寒邪傷肺 小青龍湯嗽

麻黃杏仁甘草石膏湯 治傷寒發汗後不可更行

桂枝湯汗出而喘無大熱下後喘亦治

麻黃貳兩去節湯泡 杏仁貳拾伍箇

石膏肆兩 甘草壹兩

右判散每服二錢水小盞煎六分去滓溫服

金匱要略小青龍加石膏湯 治大人小兒肺脹欬

喘

力

四六



而上氣煩躁而喘脉浮者心下有水

麻黃

去節 參兩 千金 肆兩

桂枝

細辛

各參兩 千金 各貳兩

乾薑

各參兩

半夏

半升 洗

五味子

半升 千金 壹升

石膏

貳兩 碎

右九味 㕮咀 以水一斗 先煮麻黃 減一升 去上沫

內諸藥 煮取三升 去滓 強服一升 羸者減之 日三

服 小兒服四合

食鹹酸傷肺

此下三行明本減

吉氏治小兒傷冷氣喘涎多方

蘇蘆

壹箇 大者 壹分 開壹蓋子

阿膠

壹分

沙糖

半兩

右件將二味 投入蘇蘆內 以蓋子 依舊封着白紙

都糊入飯甑 蒸兩遍 傾出 隨兒大小 約多少 冷服

真珠散 治小兒氣喘多涎

真珠

未

生犀角

鑄各 半錢

香附子

肆錢

龍腦

少許

右為末 每服半銅錢 煎桃仁湯 調下 嬰兒一字

歲以下者半錢

茅先生小兒諸喘氣急方

附

附

四七



海漂蛸  
黑牽牛末  
牡蠣

馬兜鈴去皮

右各秤二錢為末拌勻每服抄錢用鯽魚淡煮

湯調下

又方

海漂蛸  
牡蠣火煨

右等分為末每服一錢用淡生薑湯調下

**喉間有聲**千金射干湯 治小兒咳嗽喘急如水雞

聲

射干  
麻黃  
紫苑

甘草  
生薑各半  
半夏各錢

桂心貳錢  
大棗拾五枚

右剉散每服二錢水一盞半煎入蜜少許服

梅花飲子 治小兒驚潮五臟積熱上焦蘊熱手足

心熱喉中多痰涎面色或紅或白啞呀鼻流清涕

氣急肝肺壅熱目赤咳嗽或被人驚夜啼不安或

傷寒漸安尚有餘熱亦宜服化痰退熱

礪砂  
馬牙硝  
芒硝

人參各壹兩  
甘草半兩  
梅花腦子

辰砂  
麝香各壹字



右八味為末以磁器收貯遇有此證麥門冬湯調下氣喘咳嗽桑白皮湯下常服薄荷湯調下

**失音**

二聖散 治風痰壅閉語音不出氣促喘悶手足動搖似搐非搐

訶子 拾枚大者半生半炙去核

大腹皮 淨洗焙乾伍錢

右劉每服二錢水一盞煎七分無時溫服

**通治**

定喘飲 治夾風痰喘氣促不拘冷熱二證

人參 去蘆頭

麻黃 不去根節

防已 去黑皮

訶子 去核

半夏 湯洗去滑

甘草 六味各五錢

右劉每服二錢水一盞薑二片煎七分無時溫服

總治十六般哮喘出本事方

阿膠 剉炒

馬兜鈴

甘草 炙

半夏 薑汁浸三日

杏仁 去皮尖各壹兩

人參 半兩

右劉散每服二錢水一盞隨病湯使煎至七分臨

卧食後服湯使于後

心嗽面赤或汗流加乾葛煎 肝嗽眼中淚出入

烏梅一箇糯米十四粒煎 脾嗽不思飲食或惡

心入生薑二片煎 胃嗽吐逆吐酸水入蚌粉煎

膽嗽令人不睡用藥半錢茶清調下 肺嗽上

氣喘急入桑白皮煎 膈嗽出痰如圓塊生薑自

五命

山斗九

單九



硬

然汁調藥下勞嗽秦光末同煎冷嗽天晚  
嗽甚葱白三寸同煎血嗽連頻不往當歸末棗  
子同煎暴嗽涕唾稠粘入烏梅生薑煎產嗽  
背甲痛甘草三寸黃蠟少許煎氣嗽吐痰脹滿  
青皮同煎哮喘聲如拽鋸入半夏二箇同煎  
腎嗽時復三兩聲入黃芪白飴糖煎已上十六般嗽疾依法煎服無不効驗  
馬脾風暴喘而脹滿也田氏云暴喘俗傳為馬脾  
風也大小便硬宜急下之用牛黃奪命散後用白虎  
湯平之馬脾風在百日內者不治

牛黃奪命散 治小兒肺脹喘滿胸膈起急兩脇扇

動陷下作坑兩鼻竅張悶亂嗽喝聲啞而不鳴痰

涎潮塞俗云馬脾風若不治死在旦夕

白牽牛 黑牽牛 各壹兩半生半熟

川大黃 檳榔 各壹兩

右為細末三歲兒每服二錢冷漿水調下涎多加

膩粉少許無時加蜜少許

無價散 治風熱喘促悶亂不安俗謂之馬脾風

辰砂 貳錢半 輕粉 伍錢 甘遂 麩裏煮燥乾壹錢半

右為細末每服一字用溫漿水少許入滴油一點

四

切斗九

五十







以温湯漬其身取汗次以涼膈散之類清其内熱此  
張子和治法如此若因乳母怒火遺熱於肝肝火炎  
熾反侮肺金金木相擊故悲哭有聲者宜用六君柴  
胡山梔以補脾清肝用六味丸以壯水生木有因驚  
風過服祛風燥血之藥而致者有因吐瀉内亡津液  
而致者及稟父腎陰不足不能生肝者治各審之若  
小兒忽然大啼作聲丹溪謂必死此稟腎陰不足虛  
火炎上故也用六味丸多有生者仍參覽夜啼客忤  
驚啼重舌口瘡天釣内釣等證  
錢氏蟬花散 治驚風夜啼咬牙咳嗽及療咽喉瘻

痛

蟬花 和殼

白殭蠶 直者酒炒熟 甘草 炙各壹分

延胡索 半分

右為末一歲一字四五歲半錢蟬殼湯下

本事方治小兒拗哭龍齒散

龍齒

蟬殼 去翅足泥土

釣藤 有鈎子者

羌活

茯苓

人參 各等分

右為末每服一大錢煎六分去渣温熱服

子和治一小兒悲苦彌日不休兩手脉弦而緊戴人  
曰心火甚則乘肺肺不受其屈故哭肺主悲王太僕

集

幼科

五



云心燥則痛甚故燥甚悲亦甚先令浴以溫湯漬形以爲汗也肺主皮毛汗出則肺熱散浴止而啼亦止矣仍命服涼膈散加當歸桔梗以竹葉生薑朴硝同煎服瀉膈中之邪熱

驚啼謂於眠睡裏忽然啼而驚覺也 錢氏云小兒

驚啼邪熱乘心也當安心安神丸主之方見心臟

乳香丸 治驚風內釣腹痛驚啼

乳香 半錢 沒藥 沉香 各壹錢

蝎稍 拾肆枚 鷄心檳榔 壹錢半

右爲末煉蜜丸桐子大每服二丸菖蒲釣藤湯調

下

木香丸 治證同前

乳香 沒藥 全蝎 各半

釣藤 舶上藿香 木香 各壹錢

右先將乳香沒藥另研次入諸藥末和畢取大蒜

少許研細和丸桐子大每服二丸釣藤湯下

張煥嬰兒眠卧着忽啼哭驚覺面赤口舌乾狀若神

崇卽非夜啼乃風熱邪氣乘於心臟名曰驚啼宜用

牛黃膏方常服除胎熱

牛黃 好牡蠣煨粉各壹分 人參

力斗丸



甘草 炙各半兩

已上並為細末次入

辰砂

雄黃

各壹分並並飛龍腦半錢

右件諸藥一處研細勻煉蜜和成膏如鷄頭實大每服半粒至一丸薄荷湯化下乳食後

青雲散

石蓮心

壹分

天南星

炮

僵蠶

取直者

全蝎

鬱金

皂角煎各壹錢半

雄黃

壹錢

粉霜 半錢

右件為末每服一字半錢看大小蜜湯調下

聖惠犀角散 治小兒驚啼

犀角屑

釣藤

升麻

黃芩

甘草

炙各壹分

人參

叁分

右咬咀每服一錢水一盞煎至五分量兒服之

羚羊角散

羚羊角屑

黃芩

犀角屑

甘草

炙

茯神

各壹分

麥門冬

半兩

右件藥搗羅為散每服一錢以水一小盞煎至五分去滓量兒大小分減服之

龍齒散 治小兒驚啼煩熱眠卧不安

龍齒

麥門冬

各半兩

白芍藥

志

驚啼

功

五



川升麻

川大黃炒

甘草炙各壹分

右件藥咬咀每服一錢以水一小盞煎至五分去

粗溫溫服量小兒大小加減服之

栝子仁散 治小兒驚啼狀如物刺亦治腹啼

栝子仁壹兩搗細羅為散

右件藥一二歲兒每服一字用粥飲調服三四歲

兒每服半錢一日三四服量兒大小加減

治小兒五邪驚啼悲傷絞經甲燒之作灰以酒或水

和服方寸匕出本草

仙人水鑑兒生下多驚啼聲噎庸醫云是氣急此誤

人命宜使此方

收取黃葵四月花陰乾搗散入馬牙黃連四分

加黃蘗四味神方力莫加

右以冷水調下一字至一錢服之立効

嬰孺治小兒夜睡忽驚啼不識母以喚之搖頭方

右小兒忽驚啼不識母者是夢中見母棄之去謂

母實故啼去但令入抱坐于暗中令母從外把火

火入來喚之即止所以然者謂母去還來也此方

天下未之知隱居効方

一法寫天心二字於額門上寫泥丸二字於丹田上

患此

幼時

五七



**喉啼** 巢氏云小兒在胎時其母將養傷於風冷邪氣入胞傷兒臟腑故兒生之後邪猶在兒腹內邪動與正氣相搏則腹痛故兒軀張蹙氣而啼

釣藤膏 治小兒乾啼後軀方見腹痛

張渙嬰兒在胎之時其母將養一切不如法及取涼

飲冷過度冷氣入兒腸胃使胎氣不強致生下羸

弱多病俛仰多啼名曰軀啼宜用養臟湯方

川當歸壹兩 沉香 丁香

白朮 桂心 川芎各半兩

右件搗羅為細末每服一錢水八分入生薑二片

煎至四分去粗放溫時時滴兒口中

嬰孺黃芪散 治少小胎寒腹痛軀啼

黃芪 當歸 芎藭

乾薑各肆分 甘草一分 黃芩陸分

右為末二十日兒用乳汁和一胡豆大一日三夜

一五十日兒一小豆大百日二小豆大藥溫中無

毒若無黃芪可闕也兒生便服使寒氣不得生亦

不吐服之暮年止服妙若寒氣疔痛啼不可忍以

水煮飲之如服理中丸法服藥補益之可數十倍

節度無苦



劉氏治胎氣弱陰陽不調晝夜軀啼不已

好乳香 水中坐乳香細研 沒藥 細研

木香 各肆錢 木鼈子 貳拾箇 去殼

右先將後三味同為細末次研入上一味煉蜜和成劑收之每一歲兒可服半皂子大餘以意加減煎釣藤湯化下無時次用魏香散

魏香散

蓬莪茂 半兩濕紙裏煨 真阿魏 壹錢

右先用溫水化阿魏浸蓬莪茂一晝夜切焙乾為末每服半錢煎紫蘇米飲空心調下軀啼稍愈服

開胃丸

白朮 木香 蓬莪茂

人參 當歸 各半兩 白芍藥 壹分

右為細末湯浸炊餅為丸如黍米大每服五七丸空心食前煎麝香湯下

白朮當歸煎丸 治胎寒腹瀉遇夜啼叫身體軀張

有疳瘕狀吐乳不止大便酸臭乳食雖多不生肌膚

白朮 當歸 木香

卷之九 五十二



右等分爲細末煉蜜爲丸如桐子大每服一九煎  
木香湯化下

六神散 治腹痛啼哭面青口中冷氣四肢亦冷曲

腰而啼或大便泄瀉及不吮乳

人參

山藥

白朮 各半兩

甘草 十貳錢

茯苓

扁豆 炒各壹兩

右爲末每服二錢薑二片棗一枚煎服一方用當  
歸白芍藥人參各二錢半甘草桔梗陳皮各一錢  
爲散每服二錢水煎時時服

夜啼 三因小兒夜啼有四證一曰寒二曰熱三曰重

舌口瘡四曰客忤寒則腹痛而啼面青白口有冷氣  
腹亦冷曲腰而啼此寒證也熱則心躁而啼面赤小  
便赤口中熱腹煖啼時或有汗仰身而啼此熱也若  
重舌口瘡要吮乳不得口到乳上卽啼身額皆微熱  
急取燈照口若無瘡舌必重也客忤者見生氣忤  
犯而啼也各隨證治之

曾夜啼者有驚熱夜啼有心熱夜啼有寒疝夜啼有  
誤觸神祇夜啼此四者詳具于後 驚熱者爲衣衾  
太厚或抱于極暖處久坐致生煩悶邪熱攻心心主  
神神亂則驚心與小腸爲表裏故啼泣而遺溺者是

悲哭

夜啼

四十九

五十八



也治法退熱鎮心則自安矣用百解散驚急牛蒡湯喉  
三解散熱主之心執者見燈愈啼面紅多淚無燈  
則稍息蓋火者陽物也心熱遇火兩陽相搏才有燈  
而啼甚故經曰火疾風生乃能用此其義也宜涼心  
安神用百解散或五苓散俱加黃芩甘草水煎服次  
牛蒡湯喉三解散熱及琥珀抱龍丸驚為治有遇  
黃昏後至更盡時哭多睡少有啼聲不已直到天明  
乃胎中受寒遇夜則陰勝而陽微故脊曲額汗眼中  
無淚面瑩白而夾青伏臥而啼入盤腸內弔之證名  
為寒疝治法去宿冷温下焦白芍藥湯疝烏梅散疝

及冲和飲傷加鹽炒萊菔茴香水薑煎服及釣藤膏  
亦佳誤觸神祇者面色紫黑氣鬱如怒呼時若有  
恐懼及睡中驚惕兩手抱母大哭不休此誤觸禁忌  
神祇而得或因惡祟所侵蓋嬰孩目有所親口不能  
言但驚哭無時指紋俱隱故玉環集云忽然兩手形  
無見定知唐突惡神靈治法先解其表宜百解散驚  
次驅邪鎮心用蘇合香丸客琥珀抱龍丸驚投之自  
効演山王氏舉水鏡先生云天蒼蒼地王王小兒  
夜啼踈客堂又云啼而不哭是煩哭而不啼是躁無  
辜賦云夜多啼而似祟凡初生兒日夜煩啼如有祟

悲哭夜啼

方

五



或謂熱在心驚藥與蘇利或謂寒停臟腑與服溫煖  
醫者察而治之乃善也若兒啼哭曾堂仰突首反張  
喜見燈者心經有熱宜疎利服三黃丸或洗心散加  
燈心麥門冬子良若兒啼哭頭低身曲眼閉肚緊者  
臟腑留寒宜與溫之胃風湯加黃芪煎効若不識證  
候但以蟬蛻二七枚全者去大脚為末加朱砂一字  
蜜調於吻立効 薛夜啼有二曰脾寒曰心熱也夜  
屬陰陰勝則脾臟之寒愈盛脾為至陰喜溫而惡寒  
寒則腹中作痛故曲腰而啼其候面青白手腹俱冷  
不思乳食是也亦曰胎寒用釣藤散若見燈愈啼者

心熱也心屬火見燈則煩熱内生兩陽相搏故仰身  
而啼其候面赤手腹俱緩口中氣熱是也用導赤散  
若面色白黑睛少屬腎氣不足至夜陰虛而啼也宜  
用六味丸若兼泄瀉不乳脾腎虛弱也用六神散若  
兼吐瀉少食脾胃虛寒也用六君炮木香火便不化  
食少腹脹脾氣虛弱也用異功散心血不足者秘旨  
安神丸木火相搏者柴胡梔子散肝血不足者地黃  
丸大抵此證或因吐瀉內亡津液或稟賦腎陰不足  
不能滋養肝木或乳母恚怒肝火侮金當用六君子  
湯補脾土以生肺金地黃丸壯腎水以滋肝木若乳



母鬱悶而致者用加味歸脾湯乳母暴怒者加味小柴胡湯乳母心肝熱搏柴胡梔子散仍宜察客忤驚啼覽之

心鑑治小兒一百二十日內夜啼用蟬蛻四十九箇去前截用後截為末分四服釣藤湯調灌之

普濟蟬花散 治小兒夜啼不止狀若鬼祟用蟬蛻下半截為末一字薄荷湯入酒少許調下或者不信

將上半截為末前湯調下即復啼也古人立方莫知其妙

錢乙論夜啼云脾藏冷而痛也當與溫中藥

及以法禳之花火膏主之

花火膏 取燈火一顆塗乳上令兒吮之

錢氏當歸丸 凡小兒夜啼者藏寒而腹痛也面青

手冷不吮乳者是也宜此方

當歸

白芍藥

人參各壹分

甘草炙半分

桔梗

陳橘皮不去白各壹錢

右為細末水煎半錢時時少與服又有熱痛亦啼叫不止夜發面赤唇焦小便黃赤與三黃丸人參

湯下三黃丸方見實熱

張漢萬金散 治嬰兒藏寒稟氣怯弱或多願解面



色青白遇夜多啼甚者煩悶狀若神祟亦由觸犯  
禁忌所致此名曰夜啼宜用此方

沉香生

丁香

人參

五味子

當歸各壹兩

赤芍藥

白朮各半兩

桂心壹分

右件搗羅為細末每服一錢用淡溫漿水一小盞  
煎至五分放溫時時滴兒口中立效

田氏五味子散 治小兒夜啼及腹痛至夜輒劇狀  
似鬼祟

五味子

當歸

赤芍藥

白朮各半兩

茯神

陳皮

桂心

甘草炙各貳錢半

右為麤末水煎量兒大小加減

釣藤膏 治百日內嬰孩面青腹痛夜啼及周歲已

上者盤腸內吊諸疝氣疾

釣藤和鈎

玄胡索

當歸酒洗

粉草炙

乳香各五錢

肉桂去麤皮

麝香壹字

右前四味焙乾桂不過火同為末乳香蘇葉裹熨  
斗盛火熨透候冷入乳鉢同麝細杵後入前藥末



再各粹キ勻ハ煉蜜ニテス丸ス芡實大每用一丸至二丸白湯空  
心化服下

釣藤飲 治小兒夜啼乃臟冷也陰盛於夜則冷動  
冷動則為陰極發躁寒盛作疼所以夜啼不歇也  
釣藤散主之治驚啼加蟬蛻防風天麻

釣藤鈎

茯神

茯苓

川芎

當歸

木香

甘草

白芍藥

各壹錢

右為末每服一錢薑棗略煎服其或心熱而煩啼  
必有臉紅舌白小便赤澀之證釣藤飲去木香加

朱砂末一錢研和每服一錢木通湯調下或剉散

煎服亦可

聖惠乳頭散

治小兒夜啼不止腹中痛

黃芪坐

甘草炙

當歸

赤芍藥

木香

右各等分搗細羅為散每服取少許着乳頭上因  
兒喫乳服之

蒜乳丸治腹痛夜啼方見腹痛

**熱夜啼**

錢氏云三黃丸治腹熱痛熱痛腰不曲夜啼

面赤唇焦便赤用人參湯吞下方見裏熱

張

科

六



吉氏朱砂膏 治諸驚啼夜啼

朱砂 人參 白茯苓

甘草 各壹錢 腦麝 各少許

右末蜜為丸每服一塊如阜子大金銀薄荷湯下安神散 治一應驚啼

犀角 雄黃 人參

車前子 各半兩 茯苓 壹兩

右五味為末每服一錢桃仁湯下

三因燈花散 治熱證心躁夜啼以燈花三四顆研細用燈心煎湯調塗口中以乳汁送下日三服無

燈花用燈心燒灰亦妙 又一法燈花七枚鵬砂

一字辰砂少許研細蜜調抹唇上立安

茅先生抹唇膏 主小兒夜啼

蟬殼 壹箇去足 燈花 兩乃小 朱砂 少許

右為末如小兒夜啼遇夜用雞冠血調藥抹兒上下兩唇即止夾朱砂膏與服

丹溪治小兒夜啼

人參 貳錢半 黃連 壹錢半 甘草 炙五分

竹葉 貳拾片 生薑 壹片 右水煎服

澹寮龍齒散 方見前即本事龍齒散但無羌活



小兒夜啼黃連薑汁炒甘草竹葉燈心煎服

口瘡重舌夜啼三因蒲黃散

真蒲黃微炒紙鋪地上出火氣

右研細每抄些少摻舌下時時摻之更以溫水蘸熟帛裹指輕輕按掠之按罷摻藥

牡蠣散方見口瘡

客忤夜啼治客忤夜啼法用本家厨下燒殘火柴頭

一箇以火焦頭為上朱書云吾是天上五雷公將來

作神將能收夜啼鬼一縛永不放急急如太上老君

律令勅書了勿令兒知立在牀下倚牀前脚裏立之

男左女右效

黃土散 治小兒卒客忤

竈中黃土

蚯蚓屎 各等分

右研勻和水塗兒頭上及五心良

禳厭法 千金治夜啼方

右以姪娠時食飲偏所患者物哺兒即效

外臺必効小兒夜啼方

以日未出時及日午時仰臥於臍上橫文中屏氣

以朱書作血字其夜即斷聲効

陳藏器餘云



井口邊草主小兒夜啼着母卧席下勿令母知  
子母秘錄治小兒夜啼

甌帶懸戶上

孟詵小兒夜啼

取乾牛糞如手大安卧席下勿令母知子母俱吉

集驗方仙人杖小兒驚瀉及夜啼安身伴睡良

日華子云豬窠內有草治小兒夜啼安席下勿令母

知

日華子云烏雌雞翼治小兒夜啼安席下勿令母知

聖惠方

右臍下書甲字差

又方 取樹孔中草着戶上立止

又方 以車輞盜安母卧床下勿令母知

又方 取荒廢井中敗草懸戶上良

又方 取牛糞灰安母卧下勿令母知

又治小兒夜啼符法三道

屬聊 此符左右手中懸之

甲

此符臍中懸之

竈

貼房門上

嬰孺治小兒夜啼法

右令母脫去上衣只着中衣跪宅四角曰西方白

帝東方青帝南方赤帝北方黑帝中央黃帝乞斷

悲哭

幼科九

六六



某甲夜啼荷恩之日奉還酒脯隨意所用還法安  
五畔置中庭四角故四角四畔中央一畔啓額瞻  
五帝說曰今日奉還隨意所呪願之

劉氏方 治小兒夜啼

寫若以色見我以音聲求我是人行邪道不能見  
如來燒灰吞之男左一本女右一本

**灸法** 寶鑑灸幼宮三壯又灸中指甲後一分 萬全  
方灸小兒夜啼上燈啼鷄鳴止者灸中指甲後一分  
中衝穴一壯炷如小麥大

# 瘖

薛經云舌者音聲之機也喉者音聲之關也小兒孛  
然無音者乃寒氣客于會厭則厭不能發發不能下  
致其門闔不制故無音也若咽喉音聲如故而舌不  
能轉運言語則為舌瘖此乃風冷之邪客於脾之絡  
或中於舌下廉泉穴所致也蓋舌乃心之苗心發聲  
為言風邪阻寒經絡故舌不能轉連也若舌本不能  
轉運言語而喉中聲嘶者則為喉瘖此亦為風冷所  
客使氣道不通故聲不得發而喉無音也然或風痰

音

力斗

六十七



阻塞或因心經氣虛或因脾之脉絡受風或因風痰  
滯於脾之絡或因脾氣不足或胃中清氣不升皆足  
以致瘖大抵此證亦有稟父腎氣不足不能言者有  
乳母五志之火遺兒薰閉清道不能言者或兒病津  
液耗損會厭乾涸不能言者或腎氣不充虛火上炎  
傷肺不能言者有驚風中風不能言者若遺熱與津  
液耗者用七味白朮散清氣不升者用補中益氣湯  
稟腎不足與虛火傷肺者用六味地黃丸若仰首咳  
嗽肢體羸瘦目白睛多或兼解頰呵欠咬牙等證悉  
屬腎虛非地黃丸不能救也

**卒失音**巢氏云喉嚨者氣之道路喉厭者聲音之門  
門戶有暴寒氣客於喉厭得寒即不能發聲故卒然  
失音也不能語者語聲不出非牙關噤也

**病後瘖**錢氏論腎怯失音相似病吐瀉及大病後雖  
有聲而不能言又能嘔藥此非失音為腎怯不能上  
接於陽故也補腎地黃丸腎主之失音乃卒病耳  
吉氏家傳治小兒患後聲不出

酸棗仁

去殼壹錢

白茯苓

半錢

朱砂

貳錢

右件為末

丸如豆大每服一丸人參湯下

聖惠鷄頭丸

見舌



**驚退而瘡**

漢東王先生通關散

治小兒驚風並退

只是聲啞不能言

右以天南星炮為末每服嬰孩半字或一字三五

歲半錢八九歲一錢積豬膽汁調下令孩兒喫嚙

入喉中便能言語

集驗方治小兒驚退而啞不能言語

木通制

防風去蘆

川升麻

羚羊角屑

桂心巴上各半兩

甘草炙貳錢半

右件藥搗為麤散每服一錢水一小盞煎至五分

去滓入竹瀝少許更煎一兩沸不計時候量兒大

小加減服之

集驗又方

臘月牛膽釀天南星不拘多少

右研細每服半字薄荷湯調下臨臥服兒大者服

一字至半錢

**癩瘡而瘡** 巢氏病原小兒發癩差後六七歲不能語

候風癩發之狀口眼相引或目睛上搖或手足瘳癢

或脊背強直或頸項反折屈搯如數皆由以兒當風

取涼乳哺失節之所為也而癩發差後不能語者是

風癩因兒衣厚汗出以兒乘風取涼太過為風所傷



得之其初發之狀屈指如數然後發瘳癢是也心之  
聲為言開竅於口其癩發雖止風冷之氣猶滯心之  
絡脈使心氣不和其聲不發故不能言也  
千金大補心湯 治小兒癩差後風冷留滯於心絡  
使心氣不和語聲不發

黃芩

附子

炮去皮臍  
各壹兩

甘草

茯苓

桂心

各參兩

石膏

半夏

遠志肉

各肆兩

生薑

大棗

飴糖

壹觔

乾地黄

阿膠

麥門冬

各叁兩

右件藥咬咀每服一大撮入前飴糖半匙許水一  
盞半煎半盞服之

**中風失音**

聖惠治小兒中風失音不語舌根強硬方

陳醬汁

半合

人乳

貳合

右件藥相和合令勻少與兒服之

張渙竹瀝膏

治小兒中風失音不語牙關緊急

竹瀝

依法  
旋取

生地黄

取汁

蜜

各半合  
攪勻

桂心

為末

石菖蒲

壹寸玖節者  
取末各壹兩

右件都一處調勻慢火熬成膏硬軟得所如皂子  
大每服一粒取梨汁化下



救生菖陽湯

治小兒中風昏

石菖蒲

天麻

生烏蛇肉

全蝎

白僵蠶

附子炮去皮臍

羌活

人參

白附子各半兩

右為麤末每服三錢水兩盞生薑五片薄荷五葉

煎至一盞濾去粗溫熱時時與服

醒脾散

治小兒驚搐後不語

甘草

炙壹錢

冬瓜子

防風各半兩

人參壹分

右件為細末每服一錢用水一盞入竹葉數片燈

心少許同煎至七分去滓食後溫服臨睡

傷寒失音

茅先生傷寒失音語不得方

金毛狗脊

甘草等分

右為末每服一錢用黃蠟一塊指頭大米六分同

煎四分服

集驗方

治小兒傷寒失音不能語

桂指面

右含桂口中漸漸聲音如舊



以含津口中微噴香膏吹

林大

鼻乾者以葱白七莖入油膩粉少許搗攤絹帛上

消風散或用蔥白七莖入油膩粉少許搗攤絹帛上

掌中護溫貼額門因驚仆氣散血無所羈而鼻衄者

用異功散加柴胡山梔左臉青而兼赤者先用柴胡

鼻

鼻

# 鼻

張渙按小兒肺氣通於鼻氣為陽若氣受風寒停滯

鼻間則成鼻塞氣寒使津液不收則多涕若冷氣久

不散膿涕結聚使鼻不聞香臭則成齟鼻若挾熱則

鼻乾皆妨害乳食薛巢氏云鼻乃肺之竅皮毛腠

理乃肺之主此因風邪客於肺而鼻塞不利者宜用

消風散或用蔥白七莖入油膩粉少許搗攤絹帛上

掌中護溫貼額門因驚仆氣散血無所羈而鼻衄者

用異功散加柴胡山梔左臉青而兼赤者先用柴胡

鼻

初科九

七十一



清肝散後用地黃丸右臉赤乃肺大腸實熱也用瀉  
白散鼻色赤乃脾胃實熱也用瀉黃散微赤乃脾經  
虛熱也用異功散加升麻柴胡色深黃用濟生犀角  
地黃湯後用楊氏地黃散淡白色用六君子湯頰間  
色赤用四物湯加山梔赤甚用五淋散小便赤色用  
六味丸補中益氣湯唇色白用六君子湯久不愈用  
麥門冬飲子若初病元氣未虧乳食如常發熱壯熱  
二便秘結作渴飲水卧不露睛者悉屬形病俱實當  
治邪氣若病久元氣已虧食少發熱口乾飲湯嘔吐  
泄瀉肢體畏寒臥而露睛者悉屬形病俱虛當補正

氣為要

鼻塞演山凡產牙兒三朝五日六晨一臘忽然鼻塞  
吻乳不能開口呼吸者多是乳母安睡之時不知持  
上兒子鼻中出息吹着兒額或以水浴洗川水溫冷  
不避風邪所以致兒鼻塞宜與通關膏傅之消風散  
服之或有驚悸作熱杜薄荷散與服通關膏用白殭  
蠶豬牙皂角荆芥香附子川芎細辛等分為末葱白  
同研傅額至妙

異作熱壯

消風散

治胎熱胎寒兼治諸風上攻頭目昏痛項  
背拘急肢疼目眩旋暈鼻塞多嚏皮膚頑麻癢瘡

鼻

力斗



癰疹小兒虛風

茯苓

川芎

羌活

荊芥穗

防風

藿香

僵蠶

蟬蛻

甘草

厚朴

陳皮

右為末每服五分茶清調下薄荷湯亦可急慢驚

風乳香荊芥湯調下或加雄黃名雄風散

薄荷湯 治鼻塞不通及火驚傷寒極熱變蒸

薄荷葉

麻黃

甘草

僵蠶

天竺黃

白附子

右為末薄荷湯調下熱極生風加竹瀝少許一左

有柴胡台芎枯梗茯苓無全蠲僵蠶天竺白附

張煥辛夷膏

辛夷葉

壹兩洗焙乾

細辛

木通

香白芷

木香 各半兩

已上搗羅為細末次用

杏仁

壹分湯浸去皮尖研

右件用羊髓豬脂各二兩同諸藥相和於石器中

慢火熬成膏赤黃色放冷入龍腦麝香各一錢拌

勻每用少許塗鼻中若乳下嬰兒妳母吹著兒顛

鼻塞者只塗顛上



張雞峯方 治頤開不合鼻塞不通

右以大南星大者一枚微炮為末以淡醋調塗  
緋帛上以貼頤上炙熱手頻熨之

莊氏治小兒鼻塞方

右以槐葉為末用乳母唾調厚塗頤上

吉氏葱涎膏 治兒生三五日鼻塞氣急飲乳之時

啼叫不止

葱葉

豬牙皂角 為末去皮

右爛研同皂角末成膏貼頤門上差

聖惠龍腦散 治小兒鼻齷不聞香臭

龍腦 半錢 細研

瓜蒂 拾肆枚

赤小豆 叁拾粒

黃連 叁大莖 去鬚

右件藥搗細羅為散入龍腦研令勻每夜臨卧時  
以菜豆大吹入鼻中每用有少許清水出為效

張渙清肺膏 治齷鼻病

瓜蒂 半兩

附子 壹枚炮 去皮臍

赤小豆

細辛

甘草 各壹分已上 搗羅為細末

右件入龍腦一錢研勻煉蜜和丸懸囊內鼻中隨  
鼻之大小

右二方前一方有熱者宜之後一方有寒者宜之



**鼻流清涕** 聖惠夫肺氣通於鼻若其藏為風冷所傷冷隨氣乘於鼻故使液涕不收也夫津液涕唾得熱則乾燥得冷則流溢也

張渙菊花散 治鼻塞多涕等病

甘菊

防風

前胡 各壹兩

細辛

桂心 各半兩

甘草 壹分

右件搗羅為細末每服半錢研入乳香少許煎荊芥湯調下乳後

聖惠菊花散 治小兒腦戶傷於風冷鼻內多涕精

神昏悶

甘菊花

白朮

細辛

白茯苓

甘草 炙微赤剉

防風

人參 並去蘆 各壹分

右件藥搗羅為散每服一錢以水一小盞入生薑少許煎至五分去滓不計時候量兒大小以意

分減溫服

萬全方芎藭散 治證同前

芎藭 半兩

甘菊花

白朮

防風

人參

細辛

白茯苓

甘草 各壹分



右件藥搗羅為散每服一錢以水一盞生薑少許煎至五分去滓溫服

**鼻乾無涕** 聖惠夫小兒肺臟壅滯有積熱上攻於腦

則令腦熱也又肺氣通於鼻主於涕若其臟有熱則津液乾燥故令無涕也

聖惠木通散 治小兒腦熱無涕目乾心躁眠卧不安

安

木通 剉

麥門冬 去心

川升麻 各半兩

知母

犀角屑

甘草 炙微赤

杏仁 湯浸去皮尖雙仁

梔子仁 叁枚

右件藥搗羅為麤散每服一錢以水一小盞煎至

五分去滓不計時候量兒大小加減溫服

張渙犀角升麻散 治腦熱肺壅鼻乾病

犀角屑 壹兩

川升麻

馬牙硝

黃連 各半兩

已上搗羅為細末次用

朱砂 細研水飛半兩

牛黃

龍腦 各壹分

右件搗羅為細末每服半錢溫蜜湯調下乳食後萬全方麥門冬丸 治小兒心肺壅熱腦乾無涕時

有煩躁



鼻

麥門冬

去心 壹兩

龍腦

細研 半分

甘草

炙

牛黃

研入各壹分

黃連

赤茯苓

犀角屑

粉霜

朱砂

馬牙硝

各研

生乾地黄

子芩

各半兩

右件藥搗羅為末入研了藥都研令勻每服半錢以溫蜜湯調下

鼻有息肉

千金翼論曰凡人往往有鼻中肉塞眠食

皆不快利得鼻中出息而俗方亦眾而用之皆無成

効惟見本草云雄黃主鼻中息肉此言不虛但時人

不知用雄黃之法醫者生用故致困斃曾有一人患

鼻不得喘息余以成鍊雄黃日內一大棗許大過十

日肉塞自出當時即得喘息更不重發其鍊雄黃法

在千金翼仙丹方中其有之宜尋求也期有神驗

千金治小兒鼻塞生息肉方

通草

細辛

各壹兩

右二味搗末取藥如豆着綿線頭內鼻中日一

千金翼治鼻中息肉塞鼻不得喘息方

取細辛以口濕之屈頭內鼻中傷內四畔多着日

十易之滿二十日外以

葶藶

壹兩

松蘿

半兩

鼻

幼科九

七十八



右二味搗篩以綿裹薄如棗核大內鼻中日五六  
易之滿二十日外以吳白礬上上者二兩瓦坯裏  
相合令置密中燒之待丸熟取搗篩以面脂和如  
棗核大內鼻中日五六易盡更和不得頓和二十  
日外乃差慎行作勞及熟食并蒜麩百日  
千金翼治鼽鼻有息肉不聞香臭方

瓜蒂

細辛各半兩

右二味為散絮裹豆大塞鼻中須臾即通

鼻赤

丹溪治小兒赤鼻

雄黃

黃丹各等分

用無根水調傳

或用菖蒲半葉酒蒸為末調服解食毒無根水者天落雨水

用碗盛之  
名是也

薛氏云鼻色赤乃脾胃實熱也用瀉黃散微赤乃脾

經虛熱也用異功散加升麻柴胡色深黃用濟生犀

角地黄湯後用楊氏地黄散淡白色用六君子湯

楊氏地黄散 治榮中有熱肺壅鼻衄

生地黃

赤芍藥

當歸身

川芎各等分

右每服二三錢水煎熟入蒲黃少許春夏衄入地  
黃汁蒲黃各少許秋冬衄用車前子汁少許



此藥二三驗之煎藥入蘇黃少清春夏臨入

川芎

生肌黃

赤芍藥

當歸

蘇天此黃婿 試藥中不燥相壅裏

前此黃遠舜川蘇丸此黃婿炎白

蘇遠蘇山川其也婿此我麻染

藉丸云曼也赤以咽胃實熱也

如用青龍半葉既蒸為末隨粥

# 龜胸

錢肺熱脹滿攻於胸膈即成龜胸又乳母多食五辛

亦成張乳母乳兒常捏去宿乳夏常洗乳淨捏去

熱乳若令兒飲熱乳損傷肺氣胸高脹滿令兒胸高

如龜乃名龜胸曾此候因風痰停飲聚積心胸再

感風熱肺為諸臟華蓋居於膈上水氣汎溢則肺為

之浮日久凝而為痰停滯心胸兼以風熱內發其外

證唇紅面赤咳嗽喘促致胸骨高如覆掌名曰龜胸

治法寬肺化痰利膈以除肺經痰飲先用五苓散和



寬氣飲入薑汁葱湯調服次清肺飲雄黃散碧玉丸  
如意膏為治。若投前藥愈而復作傳變目睛直視  
痰涎上湧兼以發搐則難治矣。薛龜胸龜背多因  
小兒元氣未充腠理不密風邪所乘或痰飲鬱結風  
熱交攻而致法當調補血氣為主而以清熱消痰佐  
之若因乳母膏粱厚味者當以清胃散治其母子亦  
服少許

聖惠大黃丸 治龜胸肺熱痰滯心膈滿悶

川大黃 柴錢半 微炒 天門冬 焙 百合

杏仁 麩炒 微黃 木通 桑白皮

甜葶藶 隔紙 炙紫 川朴硝 各伍錢

右為細末蜜丸如菜豆大不時溫水研五丸量兒  
大小加減 幼科類萃去朴硝加百合石膏

張百合丹 即大黃丸 加減

百合 壹兩 川朴硝 杏仁 湯浸去

桑根白皮 木通 川大黃

天門冬 去心 各半兩

右為極細末煉蜜和如黍米大每服十粒米飲送  
下量兒大小加減

曾五苓散 見驚 寬氣飲 見驚

龍圖 刀科丸 八上



清肺飲

見咳嗽

雄黃散

見驚

碧玉丸

見咳嗽

如聖膏

見喘

丹治小兒龜胸方

蒼朮

黃蘗

酒炒

芍藥

酒炒

陳皮

防風

山查

威靈仙

加當歸

又利後加生地黃

右為朱煉蜜丸食後溫水下

外治法

龜尿摩胸骨上瘡

灸法田氏取兩乳前各一寸五分上兩行三骨罅間

六處各壯炷如麥春夏從下灸上秋冬從上灸下

莊氏取九家灰壹斗盛簸箕中令兒全面印胸跡

于龜印從上當中及兩邊令三姓人同下火各於灰

上灸三壯棄灰河流或水中



上之三非染火何流返水中  
 于龍門發上當中文兩點今三枚入同正火各焚夾  
 非为烟八束夾書中其類其中心良全獨明願想

# 龜背

聖惠坐兒稍早為客風吹脊風氣達髓使背高如龜  
 雖有藥方多成痼疾以灸法為要 錢兒生下客風  
 入脊逐於骨髓即成龜背治之以龜屎點節骨取尿  
 之法當安龜在蓮葉上後用鏡照之其尿自出以物  
 盛之 張嬰兒生後一百八十日始滿骨成方能獨  
 坐若強令兒坐之太早即客風寒吹着兒背及脊至  
 骨傳入於髓使背高如龜之狀以松藥丹療之

張松藥丹 治龜背病

龜背

幼科九

卷



松花

洗焙

枳殼

去瓢炒

獨活

防風

去蘆又各壹兩

川大黃

炮

前胡

麻黃

去根節

桂心

各半兩

右為細末煉蜜和如黍米大每服十粒粥飲下量

兒大小加減聖惠麻黃丸多芍藥少前胡

方多檳榔訶皮一方無松花有當歸煮麵糊丸

名枳殼防風丸

聖惠灸法當灸第三椎骨節下兩旁各一寸半肺俞

穴又第五椎骨節下兩旁各一寸半心俞穴又第七

椎骨節下兩旁各一寸半高俞穴以水兒中指節為

一寸艾炷如小麥大三五壯即止此法累用十有

二得效亦無全効之功瀨願經云符殿直之孫紹熙辛亥春灸即効

世龜背在百日内不浴



松花... 樹皮... 樹皮...

防風... 川大黃... 前明...

麻黃... 桂心... 桂心...

右為細末煉蜜和如黍米大... 散...

兒大小加減... 聖惠保赤丸...

左多微細神皮... 一左無於花...

名... 設防風丸...

可... 百... 日... 內... 不... 飲...

二... 野... 亦... 無... 今... 咳... 之... 咳...

一... 十... 艾... 我... 成... 小... 麥... 大... 三... 正... 非... 唱... 出... 此... 去... 與... 山... 十... 葛...

# 脫肛

胃肺與大腸為表裏肛者大腸之門肺實熱則閉結不通肺虛寒則腸頭出露有因痢久裏急後重努力肛開為外風所吹或伏暑作瀉腸滑不禁或稟賦怯弱易於感冷亦致大腸虛脫凡小兒所患瀉痢皆因暑濕風熱乘脾胃虛而得蓋風屬木木勝則制土土主脾胃虛而受制又濕喜傷脾因虛受濕不能分別清濁水穀交雜則為洞泄洞泄既久大腸亦虛大腸乃手陽明燥金而生虛不能生金金氣既虛則傳送

斗九

八五



之道亦虛又為風冷所襲故肛門脫而不收法宜補  
脾溫胃使金得受母之益而氣實宜藿香飲不乳食勻  
氣散症不乳食平胃散不乳食主之次則內投固腸之劑用健  
脾飲不乳食養臟湯劑服餌外以敷貼之法用伏龍肝  
散傅之及草麻膏貼兩門使引氣上令其自收如收  
盡仍以水洗去其膏及有邪熱積滯於大腸未經踈  
滌亦成此疾其肛門色紅而軟肺脉浮數右手指紋  
紫見身微有熱時或煩躁先投清肺飲嗽踈解次用  
薄荷散蟠龍散為治間服萬安飲亦佳薛巢氏云  
實熱則大便秘結虛寒則肛門脫出此多因吐瀉脾

氣虛肺無所養故大腸之氣虛脫而下陷也用補中  
益氣或四君子為主若脫出緋赤或作痛者血虛而  
有熱也用補中益氣湯佐以四物牡丹皮微者或作  
痛者氣虛而有熱也佐以四君牡丹皮大凡手足指  
熱者屬胃氣熱手足指寒者屬胃氣寒湯氏方治  
脫肛大腸自糞門出宜用葱湯薰洗令軟欵欵送上  
此因瀉利得之者亦可服瀉利之藥然後用槐花等  
藥又有用一味五倍子煎湯入朴硝薰洗而縮者又  
有用真蒲黃碾極細以猪脂拌勻傅肛門上而入者  
全嬰方用蒞腸散兼有痔證腫痛者用黃丹滑石等

說  
切  
八



分并水調塗即消并用鉛白霜半錢片腦半字好酒  
調傳腫處甚佳黃連解毒湯亦可服用苦參湯洗亦  
効亦有蜜陀僧白礬腦子末之傳上更用荆芥防風  
等項洗之川生活椶椶根者効

**內服**張煥蕪荑丹 治小兒久痢頻併大腸虛冷肛

門脫出

白蕪荑 微炒

鼈甲

塗酥炙黃去羶爛

蝸牛皮

炙令焦黃

磁石

燒醋蘸七遍細研水飛各壹兩

蟬蛇膽

黃連

去鬚各半兩

右件搗羅為末用軟飯和丸如黍米大每服十粒

粥飲下量兒大小加減乳食前

妙應散

葇荑子

淘法浮者炒令黑色

天台烏藥

各半兩已

上搗羅為細末次入

白麵

壹分

龍腦

半錢

右件都拌勻每服一字蜜湯調下乳食前

曾氏薄荷散

治陽證脫肛

薄荷

和粳

骨碎補

去毛各半兩

金鬻刺根

半錢

甘草

貳錢半

右剉碎每服二錢水一盞入無灰酒大匙煎七分

空心溫服或無時



聚寶方象豆丸

治諸痢脫肛

檣藤子

一名象豆出廣南山林間如通草藤紫黑

右一味為末每服二錢血痢熱酒調下三服必效

白痢傾打破取仁子碎碾銀器中慢火炒黃褐色

碾細羅一兩遍後若帶白時再炒褐色為末宿蒸

餅湯浸却握乾和圓豌豆大略焙乾每服十五丸

至二十九倉米飲溫下空心食前服痢差即止蟲

毒五痔小兒脫肛並可為末酒調下立愈

茅先生方用破故紙一兩於丸上焙乾為末每服一

字或半錢米飲調下 吳茱萸末亦可

嬰孺用黃連黃檗二味為末蜜丸桐子大飲下三九

日三四服

莊氏用乾蓮蓬焙乾為末米飲調下一二錢

湯氏治大腸虛弱肛門脫下方

龍骨

訶子

煨去核 各壹兩

沒石子

大者 貳枚

嬰粟殼

去核醋塗 炙貳錢

右為末白湯點服仍用葱湯薰洗令軟款款以手

托入用新磚瓦燒紅以醋澆之氣上即用脚布疊

數重壓定使熱氣上透不可過熱冷病者以醫坐

於布上如覺布溫逐旋減之以常得溫熱為度并

鏡工

切詳也

八



常用前藥

潔古五倍子散 治小兒脫肛

五倍子 地榆 各等分

右為細末每服半錢或一錢空心米飲調下

外治錢氏赤石脂散 治小兒因痢後努軀氣下推

出肛門不入軀於建反用

真赤石脂 伏龍肝 各等分

右為細末每用五分傅肛頭上頻用按入

曾氏蟠龍散 治陽證脫肛

乾地龍蟠如錢樣者佳 風化朴硝貳錢

右剉焙研為細末仍和勻朴硝每以二錢至三錢

肛門濕潤乾塗或乾燥用清油調塗先以見毒消

荆芥生蔥煮水候溫浴洗輕與拭乾然後傅藥

伏龍肝散 治陰證脫肛

伏龍肝 壹兩 鼈頭骨 壹具 白藥煎 貳錢半

右三味焙研為末每用一錢至二錢濃煎紫蘇湯

候溫和清油調塗患處並如前法浴洗拭乾方上

藥

治小兒脫肛用五倍子為末量多少摻患處以物襯

手揉入切忌食發風毒物

脫肛

方科九

八七



脫肛治法用蒲黃一兩猪脂二兩煉豬脂和蒲黃成膏塗腸頭上即縮入

水聖散 治小兒脫肛不收用浮萍草不以多少秤為細末乾貼患處

瀉腸散 治小兒久痢大腸頭脫出不收

訶子炮

赤石脂

龍骨各等分

右為末臘茶少許和藥搽腸頭上絹帛揉入又治痢米湯調又方治脫肛五倍子焙為末入茶依前方用

勝雪膏 治隨腸番花鼠疥等痔熱痛不可忍或已

成瘡者並皆治之

片腦

風化硝

右件各半字用好酒少許研成膏子塗之隨手輒愈

治大人小兒脫肛不收方連翹不以多少洗淨為細末先以鹽水洗後用藥末時時乾傅脫肛上立差

蓖麻膏 治暴患脫肛

蓖麻子壹兩

右件爛杵為膏捻作餅子兩指寬大貼額上如陰證脫肛加生附子末葱蒜同研作膏依前法貼之

鏡工

九

九



朱氏家傳治小兒脫肛方

右用磁母石以石碾為末麵糊為丸如菜豆大熟水下五七丸後以磨刀水洗脫肛處立效

脫肛用東北方陳壁泥土湯泡先洗下後熏上保生信效 治久病腸風痔漏腸出不收至有出數寸者苦楚良極小兒久瀉痢亦名此疾

右先用五倍子四兩以水五升煎湯一兩沸投入

朴硝四兩通手淋洗至水冷即止若覺執痛即津唾調熊膽塗之痛即止當漸收甚者不過淋洗三五次收盡竊詳此藥朴硝能軟五倍子能收一物

相須以為用也或更以乾蜘蛛末摻之乘熱以軟

帛搵入尤妙葛氏方同

九籥衛生療小兒脫肛方

香附子

荊芥穗各等分

右同為齏末每用三匙水一大椀煎十數沸淋滌

苦參湯 治脫肛并痔

枳殼

黃連

大黃

甘草

荊芥

苦參

赤芍藥

黃芩

各等分

右劉散每用五錢以車前子茅草同煎薰洗



小兒脫肛瀉血秋深不痊灸龜尾一壯炷如小麥大  
 春端窮骨也 小兒脫肛者灸臍中三壯 小兒脫  
 肛久不瘥及風癩中風角弓反張多哭言語不釋發  
 無時節盛即吐沫者取百會一穴灸七壯在鼻直入  
 髮際五寸頂中央旋毛中可容豆炷如小麥大

同治瀉瀉末每用三根木一大淋煎十幾沸村乳

香樹干倍子四 陳茶蘇 各等分

大瀉瀉坐燕小兒銀珠式

煎餅入水炒葛天六同

味甘以爲川山更以薄地粉末蘇之乘熱以神

# 肛痒

薛小兒肛痒或嗜甘肥大腸濕熱壅滯或濕毒生蟲  
 而蝕肛門若因濕熱壅滯用四味肥兒丸疳大便秘  
 結者用清涼飲裏蠶蝕肛門先用化蠶丸後用四味  
 肥兒丸外以雄黃散納肛內若因病不食蟲無所養  
 而食臟食肛者其齒齮無色舌上盡白四肢倦怠其  
 上唇內有瘡唾血如粟心內懊懷此蟲在上食臟若  
 下唇內有瘡此蟲在下蝕肛門若蝕肛透內者不治  
 諸蟲惟上半月頭向上可用藥追之望後頭向下令



患者聞烹食香味蟲頭即向上矣後用藥追之  
兒嗜膏粱甘味患疥瘡余謂當禁其厚味急用清胃  
之藥以治其積熱不從乃用敷藥以治其外更肛門  
作痒發熱瘡益甚肌體骨立飲食少思遂用九味蘆  
薈丸疳五味異功散疳加柴胡升麻尋愈 一兒肝  
門作痒耳前後結小核如貫珠隱於肌肉之間小便  
不調面色青此稟母之肝火為患用九味蘆薈丸為  
主佐以五味異功加山梔柴胡又以加味道遙散熱  
加漏蘆與母服而愈 一兒十三歲肛門作痒或脫  
出或大便血遍身生瘡發熱作渴腹大青筋用大蘆

薈丸五味異功散其瘡漸愈佐以補中益氣湯熱渴  
漸止肛門悉愈又用異功散為主佐以補中益氣湯  
熱加吳茱萸所製黃連治之而血愈 一兒十五歲  
兩目白翳遍身似疥非疥肛門作痒晡熱口渴形體  
骨立余以為肝疳之證也用六味地黃丸而痊後陰  
莖作痒小便澄白服蟠葱散肛門腫痛服大黃等藥  
肛門脫出作痒不可忍雜用降火之藥不應下唇內  
生小白瘡余以為蟲蝕肛門用九味蘆薈丸而愈  
一小兒肛門作痒悞以為痔服槐角丸等藥肢體消  
瘦鼻下濕爛下唇内生瘡此蟲食下部也先用化蟲

疳疔

疳疔

九疔

三三三



九二服乃用五味異功散四劑却用大蕪荑湯疳四  
味肥兒丸而痊。一兒七歲飲食過多即作瀉面青  
黃色服峻利剋劑余謂當節飲食健脾胃為善不信  
後牙齦赤爛肛門作痒服清熱之劑腹痛膨脹復請  
欲用前劑余曰此元氣虧損虛火上炎也仍不信後  
腮間黑腐余曰此脾氣太虛肉死而不知痛也明矣  
後雖信余已不救矣若初用五味異功散健脾胃為  
主佐以大蘆薈丸四味肥兒丸清脾濕熱豈有不治  
之理哉後之患者審之。一小兒肛門作痒屬大腸  
經風熱用槐角丸而愈。一小兒肛門連陰囊痒出

水淋漓屬肝經濕熱也用龍膽瀉肝湯九味蘆薈丸  
治之並愈。一小兒嗜甘肥肛門作痒發熱作瀉雜  
用清熱之劑腹脹少食鼻下生瘡余謂脾胃濕熱生  
蟲也不信後下唇内生瘡先用四味肥兒丸諸證漸  
愈又用大蕪荑湯治之而痊。  
化蠱丸 治諸疳生蟲不時啼哭嘔吐清水肚腹脹  
痛唇口紫黑腸頭濕蠱。

- 蕪荑
- 青黛
- 蘆薈
- 蝦蟆燒灰
- 川芎
- 白芷
- 胡黃連各等分

疳疔  
功科  
九疔



右各易為末猪膽浸糕丸如麻子大每服一二十丸食後并臨卧杏仁湯下

雄黃散 治走馬疳並痘毒疳蟲蝕小門

雄黃

銅綠 各貳錢

右為末摻瘡上

愈又用大蕪黃蒸蒜之而食

難也不可對下谷內主瘡決用四末咀以火酒燻

用膏煎之隨則少食最下少食余指眼胃熱煎生

京之並愈 一 小兒聖甘咀以門在藥發時

木林際其刊錄其用用脂割其用其未薑黃

# 腎

錢腎主虛 無實也惟瘡疹腎實則黑陷 兒本虛

怯由胎氣不成則神不足目中白睛多其顛則解凶

開面色眊白此皆難養縱長不過八八之數若恣色

慾不及四旬而亡或有因病而致腎虛者非也又腎

氣不足則下窳蓋骨重惟欲墜下而身縮也腎者陰

也腎虛則畏明皆宜補腎地黄丸主之心氣熱則上

腎氣虛則下窳宜地黃丸是也腎病見夏水勝火腎勝心也當治

腎輕者腎病退重者悸動當搐 潔腎主寒自病則



足脛寒而逆人之五臟惟腎無實小兒瘡疹變黑陷  
 則是腎實水剋退心火 心乘腎微邪內熱不惡寒  
 桂枝湯主之 肺乘腎虛邪喘嗽皮澁寒百部丸主  
 之 肝乘腎實邪拘急氣搖身寒理中丸主之 脾  
 乘腎賊邪體重泄瀉身寒理中丸主之 劉五行之  
 中惟有腎之一臟母盛而子反受邪何則肺屬金射  
 於皮毛所生者氣腎屬水主於骨髓所藏者精氣之  
 輕淫能上而不能下精之沉重能下而不能上此物  
 性之自然今肺之盛蓋熱之作也熱上蒸於肺則不  
 能下生於腎而腎受邪矣急服涼藥解之使肺氣清

和而後可此腎病必先求之於肺若肺臟安和而腎  
 忽然受病者不過脾之濕相刑於腎而生疾所以有  
 解肺熱去脾邪兩藥若脾肺兩臟俱和而腎自生疾  
 亦察其本臟而治之 薛下竄等證足不喜覆者蓋  
 腰以下皆腎所主乃心氣下行於腎部也法用地黃  
 丸壯腎水以制心火若因脾肺虛而不能生腎水者  
 用補中益氣湯六味地黃丸以滋化源其瘡疹黑陷  
 乃腎虛而邪氣實也尤當用地黃丸

地黃丸錢氏

熟乾地黃捌錢

九

山小更肉

乾山藥

各肆錢



澤瀉

少反

白茯苓

去皮 參錢

右為朱煉蜜和丸如桐子大三歲已下一二至三丸空心溫水化下

垣或問錢氏地黄丸補腎又曰補肝何也曰然手厥陰心主包絡足厥陰肝經俱治在下焦經云不足者滋其化原故肝腎之病同一治法此地黄丸

補二經之意也海藏云若加五味為腎氣丸此滋肺之源以生腎水

薛前丸治腎肝血虛燥熱作渴小便淋秘痰氣上壅或風客淫氣癰癥結核或四肢發搐眼目瞶動

或咳嗽吐血頭目眩暈或咽喉燥痛口舌瘡裂或自汗盜汗便血諸血或稟賦不足肢體瘦弱解顛

失音或畏明下窳五津五軟腎疝肝疝或早近女色精血虧耗五臟齊損凡屬腎肝諸虛不足之證

宜用此以滋化原其功不可盡述

海腎實須澤瀉瀉之腎本無實不可瀉錢氏止有補

地黃丸無瀉腎之藥治脉洪而實錢氏地黄丸加生地黄去山茱萸是也此治左手本部脉實若右

尺洪實以鳳髓丹瀉之鳳髓丹方見雜病遺精門



